

PIA AC DEVO-
TA PRÆPARATIO

AD SACRAM

Synaxin,

ANTE ANNOS ALIQVOT,
*privatim discipulis quibusdam
tradita*

à

BARTHOLOMÆO KECKERMANNO
in Gymnasio Dantiscano.

*Nunc verò in gratiam studiosa inuentus,
publici iuris facta.*



HANOVIAE
Apud Hæredes Guilielmi Antonii.

MDCXI.

Cum gratia & privilegio S. Caf. Maiest.



Ad Lectorem Beneuolum.

Editum sunt post mortem Clarissimi viri *Bartholomaei Keckermanni*, aliquot Commentarii Philosophici ab eius discipulis, quos viuens non euulgauerat, optimo sanè & valde laudabili exemplo; magno etiam eorum emolumento, qui ex huius Philosophi libris, se plurimum proficere fatentur. Quorum exemplum secutus, duo Scripta eiusdem Autoris, Amici quondam mei singularis, alterum *De Pia ac deuota preparatione ad Sacram Synaxin*, Theologicum, alterum *de Nauigatione*, Philosophicum, quæ in usum priuatum *Dantisci* paraueram, publici iuris facio, & tecum communico. Quo quidem officio, non tam ipsum *Keckermannum*, quam te, Amice Lector, demereor. Illi enim & ingenii monumentis claro, & iam inter beatos cælestem vitam degenti, vix aliquid à nobis accedere potest; tibi verò ex lectione vtriusque Commentarii, non exigua accedet, uti spero, utilitas. Fruere igitur his mecum feliciter, & studium in te meum boni consule. Vale. Dabam *Herbornæ* Anno Domini 16011. 7. Aprilis.

Abraham Wyſorſzky Gorni
Polonus.



KECKERMANNE vir es, quoniam duo pectora gestas;
Theologi pectus, Philosophia, geris,
 KECKERMANNE vir es: quamvis corpus tegat urna,
Attamen in libri vivis, & inde vir es.
 Et tenebris quoniam quam plurima tu eripuisti,
Ista per, umbrosis eriperis tenebris.

Iohan-Henricus Alstedius professor
 Philosophiæ f. in illustri
 Herbornacâ.

PIA



PIA AC DEVOTA PRÆ-
PARATIO AD SACRAM

SYNAXIN.

Quid est Religio Christiana?



ST *cultus* quem homo pius
ac religiosus Deo præstat ex
obligatione, qua Deo est ob-
strictus & velut religatus. In
qua omnis vitæ bonæ ac bea-
tæ via constituta est: vt August. in lib. de
vera religione c. 1. inquit, *Omnis vita bona
ac beata via in vera religione constituta est,
quâ vnus Deus cognoscitur & purissima pie-
tate colitur.* Hac enim religione hominis
anima se vni Deo, à quo per peccatum
abrepta erat, recōciliatione religat; vn-
de & religio dicta. Deo enim religantes
animas nostras, superstitione omni ca-
remus. Lactant. lib. 4. c. 28. & lib. 6. c. 1.
*Vinculo, inquit, pietatis obstricti Deo & reli-
gati sumus: vnde ipsa religio nomen habet,
non vt Cicero interpretatus est à relegendo, sed*

quod hominem Deus sibi religauerit i. e. obligauerit & pietate constrinxerit, quia seruire nos ei vt Domino, & obsequi vt patri necesse est. Idem est hominis officiũ, in eoque solum summa rerum & omnis vitæ beata felicitas consistit. Hic est sapientiæ gradus primus, vt sciamus, quid sit nobis verus pater, eumque solum pietate debita prosequamur, huic pareamus huic deuotissime seruiamus.

Quæ sunt ergo præcipuæ partes siue opera Religionis Christianæ aut cultus diuini?

Tria i. *Meditatio* verbi diuini, atque ideo fidei in Christum saluatorem, quæ in hoc solo præcipuè continetur, & ad quem omnia in ea referuntur. 2 *Vsus Sacramentorum* à Christo institutorum. 3. *Inuocatio* nominis diuini coniuncta cum charitate Dei & Proximi. De prima parte *Religionis Christianæ*, & de postrema alio tempore & loco docetur. Nobis propositum est hac vice tantum tractare de altera parte *Religionis Christianæ*, & *cultus diuini* nempe de usu præcipui in N. T. Sacramenti nempe *cenæ Domini*.

SACRAM SYNAXIN. 7

Dominica, quæ etiam sacra communio & Eucharistia i. e. eminentissima gratiarum actio Christo redemptori debita appellatur.

*In quibusnam rebus consistit legitimus
usus & præparatio vera ad Sa-
cram communionem.*

In duabus. Nempe in *notitia & deuotione.*

*Quotuplex est Notitia quæ pertinet ad
legitimam præparationem & usum
Sacrae communionis?*

Duplex. *Generalis & Specialis.*

Quotuplex est Generalis?

Duplex. *Prima & orta à prima.*

Quot partibus constat prima?

Duabus. *Doctrina de Deo & doctrina
de verbo Dei.*

Quid est Deus?

Deus est *Essentia* spiritualis, prima, perfectissima, æterna, infinita, omnipotens, immensæ sapientiæ bonitatis, misericordiæ, iustitiæ subsistens in tribus *personis*, Patre, Filio, & Spiritu Sancto.

Quanam sunt in Deo considerata?

Duo. *Essentia & Persona.*

Quæ & qualis est Essentia Dei?

Est *simplicissima & unica*, ita ut ratione Essentiæ Deus simpliciter sit *vnus*, sicut Scriptura testatur Deut. 6. v. 4. *Audi Israel, Dominus Deus noster, Deus vnus est.* 1. Tim. 2. v. 5. *Vnus Deus & mediator.*

Quid est Persona?

Est *modus Essentia* per quam Essentia certa quadam relatione existit. *Modus Essentia diuina* dicitur relatio quædam, quæ tamen non multiplicat essentiam, neque diuidit in partes. Id quod declarari potest similitudine graduum in luce & calore, sunt enim in lumine solari certi gradus, ita ut alia dicatur lux matutina, alia meridiana, qui tamen gradus non multiplicant lucem. Ita in calore sunt gradus tepor & feruor, qui tamen gradus non faciunt diuersos calores, sed est vnus idemque numero calor in aqua feruida, qui ante erat in aqua tepida. Hoc iam similitudine aliqua accommodetur ad doctrinam de *Personis diuinis*,
quas

quas dicimus esse modos, qui non multiplicant *Essentiam diuinam*, sicut gradus lucis non multiplicant lucem, gradus caloris non multiplicant calorem. Ita rectè dico quod sint plures *persona* siue modi in *Essentia diuina*, sed male & blasphemè dicitur, quod sint plures essentiæ diuinæ seu plures Dii.

Quot sunt persona seu modi Essentia diuina?

Tres. *Pater, Filius, & Spiritus Sanctus*, quod probatur manifestissimis testimoniis S. S. Mar. 21. v. 19. *Euntes, docete omnes gentes, baptizantes eos in nomine* (i. e. autoritate & iussu) *Patris, Filii & Spiritus Sancti.* Ioh. 15. v. 26. *Cum venerit aduocatus ille quem ego mittam vobis à Patre, Spiritus veritatis qui à Patre procedit, ille testabitur de me.* Hic disertè tres nominantur, *Pater* à quo mittitur *Spiritus Sanctus*, *Filius* qui mittit, & *Spiritus Sanctus*, qui mittitur. 1. Ioh. 5. v. 7. *Tres sunt qui testificantur in cælo Pater, verbum, & Spiritus Sanctus, & hi tres unum sunt* (Essentia.)

Quomodo probas has tres personas esse unum illum verum Deum?

Primo mihi concedendum est has tres personas esse distinctas, quia is qui mittit, distinctus est ab eo qui mittitur, & is à quo mittitur alius est ab eo, qui mittitur. Iam vero Ioh. 15. diserte ait *Christus* se esse eum qui mittit, *Spiritum Sanctum* qui mittitur, *Patrem* vero à quo filius mittit Spiritum Sanctum. Vnde necessario concluditur *hos tres modos Essentia diuina distinctos esse*. Quo obtento, iam facile probabo hos tres distinctos modos Essentię diuinę, siue has tres personas in Essentia diuina distinctas, esse verum illum Deum. Nam primò de *Patre* ipsi aduersarii concedunt, quod sit verus Deus. De *filio* manifesta sunt testimonia Scripturæ. Rom. 9. v. 5. *Quorum Israelitarum sunt Patres ex quibus est Christus quoad carnē attinet, qui est supra omnes Deus laudandus in secula. Si super omnes, Ergo & super eos qui secundum dona excellentia dicuntur Dii.* Quod vero *Spiritus Sanctus* sit Deus, probant euidenter hęc dicta Scripturæ Act. 5. v. 3. inquit Petrus ad Ananiam: *Cur impleuit Sathanas cor tuum, ut mentireris in Spiritum Sanctum?* Et statim addit. v. 4. *Non enim es mentitus hominibus, sed Deo.* Ergo *Spiritus Sanctus est Deus.* Alte-

rum testimonium est. 1. Cor. 2. v. 10. *Spiritus omnia scrutatur, etiam profunditates Dei, & v. seq. quis enim nouit, ea quæ sunt hominis, nisi Spiritus hominis qui est in eo? ita etiam ea quæ sunt Spiritus Dei nemo nouit, nisi Spiritus Dei: vnde tales conficiuntur ratioeinationes. 1. Quicumque nouit arcana seu profunditates Dei, seu quod idem est, qui est omniscius ille est Deus. At Spiritus Sanctus. Ergo. Maior est per se nota. Minor expressa est in textu. 2. Quicquid est in Deo illud est Deus. Spiritus Sanctus in Deo. Ergo. Maior est certa, quia Deus non componitur ex aliqua re, quæ non sit Deus, cum sit *Essentia simplicissima* expers omnis discrepantiæ & compositionis. Minor est in textu v. 10. vbi dicitur: sicut anima rationalis est in homine. id est de essentia hominis, ita Spiritus Sanctus est in Deo. Huc referri potest etiam illud testimonium quod est 2. Cor. 1. v. 17. *An nescitis vos esse templum Dei & Spiritum Sanctum habitare in vobis?* vbi verba posteriora sunt explicatiua priorum; perinde enim est ac si diceret Apostolus, An nescitis vos esse templum Dei cum Spiritus Sanctus habitet in vobis, qui est Deus. Si autem dicant aduersarii: Spiri-*

12 PRÆPARATIO AD

tum nihil aliud esse, quam effecta & dona Dei, manifestissime confunduntur verbis Scripturæ, quæ extant. i. Cor. 12. v. 4. 5. 6. *Distinctiones donorum sunt, at idem est Spiritus, Distinctiones ministeriorum sunt, sed idem est Dominus: Distinctiones operationum sunt, sed idem est Deus ea efficiens omnia in omnibus.* Et v. 11. *Omnia hæc dona efficit unus ille & idem Spiritus, distribuens priuatim cui vult.* Vnde talis ratiocinatio. *Qui distribuit donum, ille ipse non est illud donum quod distribuitur. Spiritus Sanctus. &c.* Ergo. *Ma-*ior per se est clara. *Minor est euidens in textu, vbi dicitur, quod omnia dona efficiat & distribuat Spiritus.* Altera ratiocinatio ex eodem textu: *Qui præditus est voluntate, ille non est nuda quædam virtus seu accidens, sed est existentia per se subsistens. Spiritus Sanctus &c.* Ergo. *Ma-*ior est clara: nam quicumque vult, ille intelligit, quicumque vero & vult & intelligit est substantia per se subsistens: Minor clara est in textu, vbi dicitur *Spiritus singulis distribuit, sicut vult.*

Audiui doctrinam de Deo, dic mihi porro quid sit sacra Scriptura?

Est

Est *Testimonium* quod DEVS humano generi perhibuit, de *Essentia & voluntate* sua, & de rebus ad *Salutem* hominis pertinentibus.

Quomodo diuiditur Sacra Scriptura?

Tripliciter 1. *Ratione temporis* quo reuelata fuit. 2. *Ratione autoritatis* quam habet in probando. 3. *Ratione materiae* quam tractat.

Quomodo diuiditur Scriptura ratione temporis quo reuelata fuit?

In *Vetus & Nouum Testamentum*. Itaq; *vetus Testamentum*, est pars *Scripturae* ea, quam Deus reuelauit primis hominibus in genere humano & *populo Iudaico*, vsq; ad ministerium Christi, reuelauit in qua per Prophetas tanquam amanuenses seu Notarios. *Nouum vero Testamentum* dicitur ea pars *Scripturae Sacrae*, quam Deus *humano generi* reuelauit post natum Christum per Euangelistas & Apostolos, tanquam notarios.

Quomodo diuiditur Scriptura ratione autoritatis quam habet in probando?

In libros *Canonicos* & non *Canonicos*
seu *Apocryphos*.

Quos dicis libros Canonicos?

Eos qui infallibilem auctoritatem habent in probandis articulis fidei: seu qui sunt *norma & regula* nostræ fidei. *Canonicum* enim dicitur à *Canone* i.e. *regula* seu *norma*.

Quotuplices sunt libri Canonici?

Duplices. *Veteris & Novi Testamenti*.

Qui sunt libri Canonici. V. T?

Libri Canonici V. T. distribuuntur in quatuor classes. 1. Continet quinque *libros Moysis*. 2. Libros qui appellantur *Historici*, vt libri *Iosue*, *Iudicum*, *Ruth*, duo libri *Samuelis*, duo *Regum*, duo *Chronicorum*, *Esdra*, *Nehemiæ*, *Esther*. 3. Libros qui carmine scripti sunt, seu libri *Rythmici*, vt liber *Iob*, *Psalmi Dauidis*, *Prouerbia Salomonis*, & *Cantica canticorum*. 4. Complectitur *Prophetas*, qui sunt duplices, nempe quatuor *maiores*, & duodecim *minores*.

Qui sunt libri Canonici N. T?

Libri Canonici N. T. sunt qui diuiduntur in historiam *Euangelicam*, in *Acta*
Apo-

SACRAM SYNAXIN. 15
Apostolorum, in *Epistolas* Apostolicas,
& in Prophetiam seu *Apocalypsin* Io-
annis.

*Quinam vocantur Apocryphi seu
non Canonici?*

Qui non habent infallibilem verita-
tem & auctoritatem in probandis articu-
lis fidei, atque adeo qui *non sunt regula &
norma* credendi, tum præcepta vitæ, tum
etiam documenta Historica.

*Qui sunt libri Apocryphi seu non
Canonici?*

Inter libros V. T. vt ante diximus qui-
dam reperiuntur libri non Canonici, vt
est liber *Thobia*, *Iudith*, *Sapientia* qui malè
ascribitur Salomoni, *Ecclesiasticus* siue
Syracides, *Tertius & quartus Esdra*. *Macha-
baorum omnes*, *Baruch cum Epistola Ieremia*,
Oratio Manasse, *Fragmenta Esther*, *adiectio-
nes ad Danielem* vt est hymnus trium pue-
rorum. *Historia Susannæ*, *Historia Beli
& Draconis*. Hi omnes libri non extant
in lingua Hebræa quâ sola voluit Deus
scribi libros V. T. nec etiam scripti sunt
à *Prophetis* siue personis immediate à

Deo vocatis. Nec vsquam à *Christo Evangelistis*, aut *Apostolis* citantur, & denique multa habent falsa. Ideirco cum Pontifici aliquid ex his libris cōtra nos citāt, respondendum est, quod in istis libris non contineatur infallibile verbum Dei, & per consequens, quod non habeant immotam vim probandi.

*Quomodo diuiditur Sacra Scriptura
ratione materiae de qua
tractat?*

In *Legem* & *Euangelium*. *Lex* enim vocatur illa pars verbi Diuini, quā docetur quid facere debeamus. *Euangelium* verò dicitur illa pars verbi Diuini, vbi docetur quid credere debeamus, atq; adeo in quā promittitur nobis remissio peccatorum per fidem in Christum.

Audiui satis de distinctione verbi Diuini, queso etiam erudias me de Proprietatibus verbi Diuini?

Faciam libenter: modò id primò moneam, nos posthac *Sacram Scripturam* semper vsurpaturos pro *libris Canonicis* tantum, non etiam *Apocryphis*.

Qua

*Quæ est prima proprietas Sacra
Scriptura?*

Prima proprietas est, quod omnem
autoritatem suam habeat à solo Deo, non
ab hominum piorum cœtu, qui dicitur
Ecclesia.

Quomodo hoc probas?

Probo hiscerationibus. 1. *Testimonium
Dei non habet autoritatem ab hominibus.
Scriptura est testimonium solius Dei, Ergo
non habet autoritatem ab hominibus etiam
sanctissimis: & per consequens, nec ab
Ecclesia, quæ nihil aliud est quam multi-
tudo piorum & sanctorum hominum.
Vis argumenti est at 1. Ioh. 5. Si testimo-
nium hominum accipimus, utiq; testimonium
Dei maius est. 2. A quo pendet autoritas Scri-
ptura, illud debet esse natura prius Scriptura.
At Ecclesia non est prior quam verbum Dei.
Ergo. Maior est manifesta, quia omne id
quod dependet ab alio, est posterius eo à
quo dependet. Minor probatur. Quod
colligitur, regitur, regeneratur per verbum seu
Scripturam illud est posterius Scriptura. At-
qui Ecclesia. Ergo. Maior per se nota. Mi-
nor probatur 1. Pet. 1. v. 23. Regeniti sumus*

per sermonem Dei. Iacob. 1. v. 18. *Progenit nos sermone veritatis.* Ioh. 17. v. 20. *Qui per sermonem eorum credituri sunt in me.* 3. *Fundamentum non pendet à tecto aut contignationibus super fundamentum extructis: sed contra, contignationes potius & tectum pendet à fundamento. At verbum Dei est fundamentum. Ergo. Maior per se nota. Minor probatur.* Eph. 2. v. 20. *Edificati estis super fundamentum Prophetarum, & Apostolorum.* Obiiciunt pontificii locum. 1. Tim. 3. v. 15. *Vbi dicitur Ecclesia esse columna & stabilimentum veritatis.* Resp. Est fallacia dicti secundum quid. *Ecclesia enim dicitur columna & stabilimentum veritatis non respectu sui, sed respectu capituli Christi, qui est lapis ille angularis. Et deinde respectu conservationis Scriptura, quatenus nempe Deus penes Ecclesiam posuit thesaurum verbi sui, & in Ecclesia tanquam domus seu palatii sui columna & valuis, appendit tabulas S^o S^{as}. quas genus humanum ibi legere debeat: non sicut ac Magistratus ad calumnias & valuas curiæ suspendit tabulas mandatorum suorum, vt subditi eas ibi tanquam in loco publico legere possint.* Denique

Eccle-

Ecclesia dicitur columna *veritatis* eo respectu, quia eius testimonio tanquam *instrumento* utitur Deus ad S. S^{am}. hominibus proponendam, docendam, & declarandam. Nam Ecclesiæ ministri sunt custodes veritatis & interpretes Scripturarum, non quasi autoritas Scripturæ ab ipsis pendeat, sed quod Deus illis utatur, tanquam servis & ministris ad S. S. hominibus proponendam & inculcandam, & non secus ac Princeps utitur præcone ad mandata subditis suis promulganda. Capiatur hoc loco similitudo: Proficiscitur aliquis ad Academiam tanquam officinam doctrinæ, non tamen propterea sequitur, veritatem doctrinæ quam in Academia discimus, pendere ab autoritate ipsius Academicæ. Porro & hoc notari debet, ista omnia quæ Pontificii dicunt de *Autoritate Ecclesiæ* in Scriptura, nihil eos iuvare, sed committi ab iis manifestam petitionem principii, dum sic argumentantur: *Ecclesia habet autoritatem in Scripturas. Pontifex Romanus est Ecclesia. Ergo.* Nam si maximè illis concedamus *maiores* (quæ tamen manifestè ut iam probauimus, falsa est)

tamen *minorem* in æternum non possunt probare, vt infra distinctiùs intelligitur.

Quæ est altera proprietas verbi Diuini seu Sacra Scriptura?

Quod sit integra, perfecta & sufficiens ad salutem: quod probatur Ioh. 20. v. 30. *Multa alia signa edidit Christus, quæ non sunt scripta in libro hoc, hæc autem scripta sunt, vt credatis Iesum esse Christum illum Filium Dei, & vt credentes vitam habeatis per nomen eius.* Ex quo loco argumentor: Quod scriptum est ita vt possimus per illud credere in Christum Iesum & habere vitam æternam, illud est sufficiens ad vitam æternam. At Scriptura: Ergo. Simul etiam inde argumentor: S. Scriptura scripta est, vt credamus in filium Dei, & habeamus vitam æternam. Ergo quodcunque verbum non est scriptum, illud non prodest nobis ad fidem in Christum, & vitam æternam. Quod diligenter obseruetur contra errorem Pontificiorum, qui duplex faciunt verbum Dei, scriptum & non scriptum; atque idcirco nobis obtrudunt traditiones, quas vocant Apostolicas, & decreta Pontificum, & consuetudinem

nem Ecclesiæ. De quibus dicit Concil. Trident. sessione 5. Anathema sit, qui non pari animi affectu veneretur traditiones Ecclesiæ, ut Sacras literas. Sed contra istas traditiones notetur. 1. Sufficiencia Scriptura 2. hoc argumentum: Traditiones Ecclesiæ aut consentiunt cum S. S. aut ab ea dissentiunt. Si consentiunt, idem dicunt, quod Scriptura, & sic sunt scriptura. Nam quod potest fieri per pauca id non debet fieri per plura. Aut dissentiunt à Scriptura (ut omnes traditiones Pontificiorum, v.g. traditio de vino non porrigendo ad bibendum Laicis in cœna Domini & similes.) Si autem dissentiunt, non possunt complere scripturam. Nam quod cum re aliqua pugnat, id rem istam non supplet, sed euertit. Alterum testimonium de S. S. perfectione manifestissimum est. 2. Tim. 3. v. 6. Tota scriptura diuinitus inspirata est, & utilis ad doctrinam, & redargutionem, correctionem & institutionem, ut perfectus, & homo Dei, & ad omne opus Dei perfecte instructus. Ex quo tales argumētationes extruuntur. 1. Scriptura est tota. Ergo perfecta; nam totum, est quod omnes partes necessarias habet. 2. Quod sufficit ad doctrinam & redargutio-

nem, correctionem, & institutionem, id est plenum, nam quantum dari non potest, ad quod scriptura utilis esse debeat. At vero scriptura est ad ista sufficiens. Ergo. 3. *Quod facit hominem perfectum & ad omne opus instructum, id ipsum perfectum esse necesse est. At scriptura est talis. Ergo. Maior probatur, quia nullus effectus est perfectior sua causa. Seu, perfectus effectus ponit perfectam causam, & quod quis non habet, alteri non dat. Si ergo scriptura efficit homines perfectos, etiam ipsa erit perfecta.*

*Quæ est tertia proprietas Sacra
Scripturæ ?*

*Quod in articulis fidei ad salutem necessariis sit clara & perspicua : clara inquam & perspicua est. 1. respectu illorum, quibus debet esse lumen ad salutem, secundum illud 2. Cor. 4. v. 3. Si tectum est Evangelium nostrum, iis qui pereunt tectum est. Unde necessario sequitur, illis quibus non est perendum, Evangelium non sit tectum sed clarum, ut dicit Petrus 2. Pet. 1. v. 19. Recte facitis quod attendatis sermoni prophetico, veluti lucerna splendenti in loco obscuro. Psal. 19. v. 15. Verbum
-Dei*

Dei est lucidum. Psal. 119. *Verbum Dei est lucerna pedibus meis.* 2. Scriptura est clara in articulis fidei (vt ante diximus) ad salutem necessariis. 3. Scriptura est clara vt instrumentum, quod ei competit ex duce principali qui est Spiritus Sanctus verus ille doctor & interpres Scripturæ. Ioh. 14. v. 26. *Aduocatus ille Spiritus Sanctus docebit vos omnia.* 1. Ioh. 2. v. 27. *Vnctio id est Spiritus Sanctus docet nos de omnibus.* It. Ioh. 16. v. 13. *Cum venerit ille Spiritus veritatis introducet vos in omnem veritatem.* Denique est clara, si conuenientibus modis tractetur, & locus per locum explicetur, secundum regulas explicationis legitimæ, quas vide pag. 210. Syst. Theolog. Si quis ergo querat, qui habet ius interpretandi Scripturas. An *Papa Romanus*? Resp. Optimus interpres verborum est quisq; suorum. Cum ergo scriptura sit verbum Dei & Spiritus Sancti, non vero Papæ Romani, ideo *Spiritus Sanctus* habet auctoritatem interpretandi scripturas, tanquam verus ille aduocatus & Doctor veritatis. Cur vero Pontifex Romanus vendicat sibi ius interpretandi Scripturas? Resp. Quia sibi est malè conscius, & non

audet sua dogmata verbo Dei seu Scripturæ rectè intellectæ submittere, ideo vult Sacram Scripturam pro suo arbitrio detorquere. De qua re notentur verba cuiusdam Apostatæ Pontificii, qui nunc Romæ est apud Papam *Caspari Schoppii*, qui in Epistola de sua ad Pontificios defectione Ingolstadii ante annos 6. edita pag. 24. sic inquit: *Summa inter Catholicos & Lutheranos omnis, in his duobus versatur: quod præter Sacras literas, Apostolorum & Ecclesiæ traditiones creditu necessaria; & ipsa sacra litera à nemine nisi ipsa Catholica Romana Ecclesia cum autoritate vera explicari possint aut debeant. Quæ duo si quis sibi persuaderi patiatur, is profecto in cæteris fidei capitibus Romana Ecclesia facile adharebit. Quod si enim mihi cum Hæreticis de certo fidei articulo sit disputandum, necesse est ut de mea sententia in Bibliis aliquid sit expressum, vel ut nihil plane ibi reperiatur, si nihil sit expressum, statim dico, sic ab Apostolis in Romana Ecclesia traditum observari, Si vero aliquid in illis hac de re extet, Hæreticus vero aliter interpretari velit, statim oppono Ecclesiam Romanam sic interpretatam esse, adeoque omnis disputatio ad hæc duo reuocari debet.*

bet. Hæc ille. Hoc nimirum illud est quod *Papa Romanus* quærit, vt possit pro suo libitu scripturam torquere, & perinde, ac si quis cum alio, gladio velit decertare, sed hac conditione vt sibi liceat gladium aduersarii regere quo velit. Sic perinde est, si quis velit coram iudicelitem habere secundum leges, sed hac cōditione, vt sibi leges liceat interpretari pro sua parte. Perinde facit Papa: dicit enim: Ego vobiscum disputabo ex S. Scriptura; sed ita vt liceat mihi pro me scripturam interpretari. Obseruetur hoc quoque si Pontificius quærat: quis sit *iudex controuersiarum fidei*? Resp. Iudicem summum cōtrouersiarum fidei esse illum, qui & *fidei & Scripturæ autor* est, nempe Spiritum Sanctum: secundum illud Ioh. 16. *Cum venerit paracletus ille arguet; indicabit mundum de peccato*: Legem autem & sententiam esse iudicis solam S. Scripturam, secundam quam de controuersis fidei iudicandum sit, prout manifestissimè dicitur Ioan 15. *Est qui accusat vos Moses* i. e. Scriptura Moysis, quæ sententiam in vos pronunciat; & adhuc manifestius Ioh. 18. v. 48. *Qui reii-*

cit nec recipit verba mea, habet qui iudicet eum; sermo, quem locutus sum vobis, iudicabit illum. Falsum ergo est, quod Papa Romanus dicit, se esse summum iudicem controuerfiarum. Non enim est iudex, sed reus qui accusatur deprauati & falsificati verbi diuini.

Audiui quantum satis est de notitia Prima Religionis Christianæ, siue de principiis Theologicis: nempe de Deo & verbo DEI, iam cupio erudiri de notitia orta id est ipsis partibus Doctrinae celestis, quæ fluit ex doctrina

*De Deo & sacris
litteris.*

Rectè mones & rectè intellexisti methodum ac processum, quem obseruare debes in intelligenda doctrina religionis, itaque posthac te erudiam de ipsis partibus Theologiae, siue religionis Christianæ.

Quot partibus constat Notitia

Orta?

Duabus: quarum prior est de *sine ipso*; poste-

posterior de *mediis* ad istum finem ducentibus.

Quis est finis Theologiae?

Salus seu *vita aeterna*.

Quotupliciter consideratur salus hominis?

Dupliciter: vel *ut perfecta*, vel *ut inchoata*, seu vel respectu *secuturæ vitæ* vel respectu *huius vitæ*.

Quid est salus Perfecta & aeterna?

Hæc consistit in tribus. 1. In summa animi & corporis *perfectiōe*. 2. In ineffabili gaudio quo sumus exultaturi coram Deo, & Sanctis Angelis, & hominibus piis. 3. In eminentissima *maiestate, gloria, honore*, quo triumphabimus de morte, Sathana, peccato, & hominibus impiis. Et hoc est quod Petrus dicit, 2. Per. 1. v. 4. *Efficiemur* (inquit) *confortes diuinæ naturæ, diuinæ perfectiōis, latitiæ & gloriæ*. Et Phil. 3. v. 21. *Christus transformabit corpus nostrum humile, ut fiat conforme glorioso corpori Christi*. Esai. 64. v. 4. 1. Cor. 2. v. 9. *Nec oculus vidit, nec auris audiuit, nec in mentem hominis venerunt quæ parauit Deus iis, qui ipsum diligunt*.

Quid est Salus Inchoata?

Est gustus quidam æternæ salutis siue
consolatio & læticia conscientia, quam in
 hac vita habemus & percipimus exre-
 missione peccatorum, & ex fiducia illa
 erga Deum, quem scimus nobis recõci-
 liatum esse à Christo, ita vt ab ipsius di-
 lectione nulla calamitas nos possit sepa-
 rare, nequidem ipsa mors, aut anxietas,
 quæ in hora mortis solet nos occupare.
 De qua Apostolus ait Rom 5.v.1. *Iustificati ergo fide pacem habemus. i.e.* conscien-
 tiam lætam, in media calamitate & mor-
 te. Rom. 8.v.35. *Quis nos separabit à dile-
 ctione Christi? num oppressio, num angus-
 tia?*

*Vidi quis sit finis quem debeam expe-
 ctare ex doctrina cœlesti, qui quidem
 quantò est optabilior, tanto magis desi-
 dero cognoscere media per quæ pos-
 sem peruenire ad hunc
 finem?*

Media per quæ possis peruenire ad
 optatissimum hunc finem sunt duo. 1. Mi-
 serix cognitio. 2. redemptio ex hac miseria.

PRIOR

PRIOR PARS DOCTRINÆ
COELESTIS NEMPE DE
morbis animæ.

*Quomodo rectè agnoscam miseriam me-
am seu morbos animæ?*

Si ista quatuor rectè consideraueris, 1. *Antecedens* tuæ miserix, 2. *Causam effici-
entem* eiusdem, 3. *Partes*, 4. *Causam exem-
plarem* seu speculum in quo repræsentatur tua miseria.

Quod est antecedens miserix humanæ?

Felicitas seu beatitudo illa in qua ho-
mo fuit ante lapsum constitutus, siue *i-
mago Dei* quæ fuit in homine.

*Quid est imago Dei in homine, seu
quid erat olim?*

Nihil aliud erat quam perfectus ille
status ante lapsum consistens in *perfe-
ctione intellectus & voluntatis* humanæ, ac
deinde in *Maiestate* hominis, qua emi-
nebat supra reliquas omnes creaturas,
siue vt adhuc magis perspicue dicam: i-
mago Dei in homine erat tum prima, tū
orta. Prima imago fuit tum in animo tū

in corpore. In corpore erat summa *sanctitas & incolumitas*: in animo, erat *intellectus* sine errore, *voluntas* sine vitio. Orta imago erat *Maiestas & letitia* hominis redundans ex corporis & animæ perfectione, de qua loquitur Scriptura Gen. 1. v. 26. *Faciamus hominem ad imaginem nostram, ad similitudinem nostram.* Eph. 4. v. 24. imaginem Dei Paulus dicit omnem veram iustitiam & sanctitatem. Huc pertinet tota doctrina de statu hominis ante lapsum, deque eius vita in paradiso, de qua legi debet Genes. 1. vers. 27. 28. 29. & totum caput secundum eiusdem libri.

Quæ est causa miserie humanæ?

Lapsus primorum parentum, seu defectio Adami & Eux à Deo, in primo isto statu integritatis, quæ facta est per esum pomi prohibiti.

Quid lapsus Adami & Eux ad nos, si quidem nos tum nondum fuimus?

Adamus & Eua repræsentabant totum genus humanum, & ideo pro toto genere humano accipiebant felicitatem & imaginem

ginem diuinam: quoniam ergo id quod pro toto genere humano acceperūt, sua culpa perdiderunt, non tantum pro se perdiderūt, sed etiam pro sua tota posteritate: vt si rex aliquis det alicui priuilegium pro se & sua posteritate, tū si is qui ista priuilegia accepit commiserit crimē læsæ Maiestatis, sanè ista priuilegia quæ accepit, amittit non tantum sibi, sed & suæ posteritati.

*An ergo tam magna res fuit mordere
pomum & de eo comedere?*

Esus ipse pomi grauissimum scelus fuit, nō ratione pomi ipsius, cuius iactura leuis erat, multa enim poma erant in paradiso, sed quia iste esus fluebat ex horribilium peccatorum fonte, nempe ex *superbia*, quā homo affectauit thronum & maiestatem DEI, atque ita commisit crimen læsæ Maiestatis Diuinæ, sicut DEVS ipsi exprobrat per ironiam Genes. tertio. *Ecce Adam factus est quasi unus ex nobis*, id est, factus est quasi quedam persona Sanctæ Trinitatis. Alterum peccatum est *incredulitas*, quod non

crederent primi parentes num verum
 esse illud, quod Deus dixerat, *quocumque*
die comederitis mortem moriemini; Sed con-
 tra potius credebant Sathanæ, per ser-
 pentem tanquam fistulam dicenti: *Ne-*
quaquam moriemini, & ita plus illi quam
 Deo crediderunt. Tercium peccatum
 est *Contumelia & inobedientia*, Nam Deo
 est obediendum in omnibus mandatis
 etiam in iis, quæ nobis videntur esse par-
 ui momenti. Quartum peccatum est *in-*
gratitudo: Erat enim homo conditus ad
 imaginem Dei, ideo debebat ei præstare
 pro isto beneficio hanc gratitudinem,
 ut mandatis eius obtemperaret. Quin-
 tum ac grauissimum peccatum erat, ma-
 nifesta *defectio* à Deo ad Diabolum, cum
 nimirum homo, consilio & ope Diabo-
 li, vult consequi conformitatem cum
 Deo, atq; ita veluti cum Diabolo con-
 spirauit aduersus Deum.

Audiui etiam de Causa miserie & mor-
borum animæ nostræ, dic porro quæ

sunt partes miserie

nostræ?

Dux. Peccatum, & pœna Peccati. Nam
 in his

in his duobus consistit miseria nostra. 1. Quod simus peccatores. 2. Quod propter peccata simus obnoxii pœnis temporalibus & æternis.

Quid est Peccatum?

Est aberratio à Regula perfectionis & iustitiæ, quam Deus à nobis requirit. Vel, Est quod pugnat cum lege diuina.

Quotuplex est Peccatum?

Duplex. Originale & Actuale.

Quid est peccatum originale?

Est corruptio naturæ humanæ, intellectus & voluntatis humanæ, per quam homo statim à prima natiuitate sua fertur & rapitur ad vitiosos actus. De hoc peccato loquitur Scriptura Genes. 6. v. 5. *Figmentum & cogitationes cordis humani tantummodo mala sunt omni tempore.* Psal. 51. v. 7. *In iniquitate formatus & conceptus sum, & in peccato peperit me mater mea id est peccatum meum conceptum & natum est.* Rom. 5. v. 12. *Per unum, peccatum in mundum intrauit, & per peccatum mors. Itē: per inobedientiam unius hominis peccatores constituti sunt multi.*

Quid est Peccatum Actuale?

Est irreductio seu *vitiositas*, per quam hominis actiones & opera feruntur contra legem diuinam: seu cum homo non tantum inclinatione & propensione sed etiam ipso opere contra voluntatem diuinam delinquit.

Audiui de priore parte miserie humanæ nempe de Peccato: Quæ est altera pars miserie humanæ?

POENA PECCATI.

Quotuplex est Pœna Peccati?

Duplex. *Temporaria & Aeterna.*

Quid est Pœna Temporaria?

Est hominis *miseria* quam homo in vita hac sustinet, ut paupertas, ignominia, morbi, & ad extremum ipsa mors quæ vocatur *stipendium peccati*, Rom. 6.

Quid est Pœna æterna?

Est ineffabilis illa *tristitia*, *cruciatu*, *ignominia*, quam in æternum sustinebunt damnati in inferno cum Diabolo & angelis eius.

Intel-

Intellexi iam de partibus miseriæ humanæ, dic etiam quæ sit causa exemplaris in quâ tanquã speculo cognoscere possim miseriam meam?

Speculum in quo possimus dignoscere miseriam nostram est *legis diuinæ rigor* summus, tum in exigenda iustitia, quam præstare non possumus, tum in comminandis horribilib, pœnis quas sustinere oportet, qui legi diuinæ nō satisfaciunt, vel per seipsos vel per alium.

Unde cognoscitur rigor ille legis diuinæ?

1. Ex singulis *præceptis Decalogi*, quorum nullum nos in hac vita possumus præstare perfecte, & quorum summa continetur in his verbis quæ extāt Mat. 22. Luc. 10. *Diliges Dominum Deum tuum.* &c. 2. ex *grauissimis comminationibus* ad hæc præcepta additis: *Maledictus omnis qui non permanferit* &c. Deut. 27. v. 26. Galat. 3. v. 10. Hæc igitur summa est miseria nostra, quod Legi diuinæ satisfacere non possumus, cum non simus ido-

nei ex nobis ipsis ut quicquam boni cogitemus. 2. Cor. 3. v. 5. atque adeo quod secundum vocem Dei oporteat nos esse maledictos tum in hac tum in futura vita, nisi ex magna Dei misericordia consequamur *redemptionem & remissionem peccatorum*, quæ est alterum & quidem præcipuum *remedium*, quod nobis doctrina cælestis proponit & de quo post hac tractabimus.

SECUNDA PARS DOCTRINÆ

COELESTIS DE LIBERATIONE

hominis à miseria id est peccato & pœna peccati.

Agnoui miseriam meam, nunc autem volo scire quomodo ab hac miseria possim liberari, siue quodnam sit remedium contra hos animæ morbos?

Remedium duplex est: vel *Primum* vel *Secundum* à primo.

Quodnam est Primum?

Est gratuita prædestinatio & electio, quâ Deus

Deus ab æterno decreuit certos quosdā homines per filium suum redimere & in æternum seruare. De quo testantur hæc Scripturæ dicta Eph. 2. v. 4. & 5. *Ele- git nos in Christo antequam iacerentur funda- menta mundi: Prædestinauit nos quos adopta- ret in filios per Iesum Christum pro beneuolo affectu voluntatis suæ* Rom. 1. v. 3. *Quos prædestinauit, hos etiam vocauit* Rom 9. *Mi- serebor cuius misertus fuero, igitur non est e- ius electio, qui vult, nec eius qui currit, sed eius qui miseretur Deus.* v. 15. 16. *Act. 13. v. 4. 5. Et crediderunt quotquot erant præordinati ad vitam æternam* Mat. 20. v. 16. *Multi sunt vocati, pauci vero electi.*

Audiui de remedio miseriæ primo, nempe de electione ad vitam æternam: dic mihi quod est remedium ortum à primo?

Triplex est remedium. 1. Redemptio. 2. iustificatio. 3. Sanctificatio.

Quid est Redemptio?

Est liberatio nostri à peccato & pœna peccati, facta per Christum Iesum filium Dei redemptorem.

Quot sunt considerata circa redemptionem?

Duo. 1. *Causa Efficiens* redemptionis. 2. *Obiectum* ad quod pertinet redemptio.

Quis est redemptor noster?

Iesus Christus, hic enim factus est nobis sapientia à Deo, iustitia, sanctificatio & redemptio. 1. Cor. 1. v. 3. 1. Tim. 3. v. 16. *Vnus est mediator Dei & hominum, homo Iesus Christus.*

Quot sunt considerata in Christo redemptore?

Duo. *Persona* & *officium* eius.

Quot sunt considerata in persona Christi?

Duo. *Partes* nempe & *earum unio*.

Quot partibus constat persona Christi?

Duabus: *Naturâ diuinâ* & *humanâ*. Probatur autem constare Christum duabus naturis, quia est verus Deus & verus homo: Quod sit verus Deus supra probauimus, cum ostenderemus Filium esse DEVM. Et sane quod præter naturam humanam etiam alia natura sit

fit in filio Dei, duobus manifestis argumentis probatur: quorum prius est: *In qua persona fit distinctio & limitatio, ita ut aliud ei tribuatur secundum unam aliud secundum alteram partem, in ea persona necessario sunt due nature.* At in Persona Christi fit talis limitatio. Ergo. Minor prob. Rom. i. v. 3. ubi dicit Apostolus: *Filius Dei est factus semen Davidis secundum carnem*, unde necessario sequitur, aliud quid esse in Christo, quam carnē. Nam cum dico. Hominem esse immortalem secundum animam, necessario sequitur in homine esse aliud quid, quam animam solam. Omnis enim limitatio infert diuersitatem in eo quod limitatur. Alterum: *Cui multa tribuuntur, qua nulla ratione possunt competere humane nature, in illo necesse est esse aliam naturam seu Essentiam diuersam à natura humana.* At Christo multa tribuuntur, &c. Ergo. Maior prob. Ioh. 8. v. 91. ubi dicit Iesus: *Amen, amen dico vobis, priusquam Abraham existeret ego sum.* Hoc nulla ratione intelligi potest de humana natura, quia Christus duobus millibus annorum natus est post Abraham. Quod Samosatani hīc nugantur, priusquam A-

braham esset, scilicet pater credentium, ego sum, id penitus pugnat cum toto textu, & nihil faceret ad scopum Christi, qui debet respondere ad obiectionem Iudæorū dicentium ver. præced. *Quinquaginta annos nondum habes, & Abraham vidisti.* Qualis enim fieret ista responsio, si diceret: Priusquam Abraham fuit pater credentium ego sum. Nam ista responsio perinde foret ridicula, ut si quis ad me dicat. Quadraginta annos nondum habes & vidisti Sigismundum regē Poloniæ, & ego respondeam: priusquam meus filius generabit filium, & erit pater, ego sum. An non omnes riderent talem responsionem datam ad hanc questionem? Quod autem Christus sit homo, non eget probatione, quia omnes concedunt.

Cur sola humana natura Christi non dicitur Persona, sicut nos singuli sumus Personæ?

Et si humana Christi natura constet ex anima & corpore, prout nos constamus, tamen *non potest separatim subsistere*, extra copulationem cum diuina natura, sicuti

sicuti quidem nos subsistimus separatim, alioqui in cæteris similis est nobis excepto solo peccato, sicut Scriptura testatur Heb. 2. v. 14. *Quoniam igitur pueri participes sunt sanguinis & carnis, ipse quoque Christus similiter factus est particeps eorum.* Et v. 16. *Non Angelos assumpsit sed semen Abraha, unde debuit fieri omnibus fratribus similis substantiâ, nempe quoad animam & corpus.* Quod notetur contra ubique tarios, qui aliam effingunt substantiam humanam, quam nos habemus, nempe talem, quæ vno eodemque momento temporis, sit ubique in omnibus locis cæli & terræ, atq; ita confundunt diuinam naturam cum humana.

Audiui de Partibus Personæ Christi, dic mihi quid est vnio istarum duodecim partium in persona Christi?

Est indissolubilis copula, quâ natura humana diuinæ, diuina humanæ tam arctè copulata est, vt ex istis duabus constitutatur *vna persona*, & vt istæ naturæ in æternum à se inuicem non possint separari.

Quot considerata sunt in hac vnione?

Duo. *Causa* nempe vnionis in Christo
duarum naturarum. & eius *proprietates*.

*Quæ est causa vnionis duarum natura-
rum in Christo?*

Est *conceptio* humanæ naturæ in vtero
virginis Mariæ facta per Spiritum S. &
deinde *natiuitas* & *incarnatio*, per quam
nempe postquam in vtero virginis Ma-
riæ natura humana cū diuina arctissime
cōiuncta fuit, Christus homo editus est
in hanc lucē. Vide Syst. Theol. pag. 328.

Quot sunt proprietates huius vnionis?

Tres. 1. Quod sit *arctissima*. 2. quod sit
indissolubilis. 3. Quod propter hanc vnio-
nem ea quæ alterutri naturæ tantum
competunt, *tribuantur toti personæ* pro-
pter alterutrā naturam vide Syst. Theo-
log. 320. pag.

*Audiui de persona Christi, sequitur ut
me erudias de officio Christi, & primo in
genere exponas mihi: quomodo of-
ficiū Christi generaliter
vocatur?*

Voca-

Vocatur *Mediatoris* officium.

Quid est Mediator?

Mediator in genere significat eum, qui *reconciliat* partem offendētem, cum parte offensa, quæ reconciliatio fit tribus hisce modis. 1. ut mediator *intercedat* pro eo qui offendit alterā partem offensam. 2. ut *satisficiat* parti offensæ pro illata iniuria. 3. ut *promittat* & efficiat, ne pars offendens amplius offēdat. Itaque cum dicitur, Christus est mediator, hoc dicitur, quod Christus sit persona quæ *reconciliavit* Deum, qui à genere humano per peccatum grauitèr est offensus, quiq; *satisfecit* diuinæ iustitiæ per passionem & mortem suam, & *deprecatur* pro peccatoribus, iisque per fidem *applicat* suum meritum, eos *regenerat* per Spiritū Sanctum ut incipiant in hac vita odisse peccatum & caueant ne Deum amplius offendant.

Quotuplex est officium Christi Mediatoris?

Triplex. *Propheticum*, *Sacerdotale*, & *Regium*, cuius respectu saluator noster dici-

tur Christus id est vnctus ad hoc triplex officium quia in V. T. ex mandato Dei vngabantur prophetae, sacerdotes, & reges.

*Quid est officium Christi Propheticum,
& in quibus consistit?*

Consistit in duobus. 1. in munere docendi: 2. in doctrina efficacia. Nam Christus *Propheta* dicitur. 1. quia patefecit Angelis & hominib. Deum & eius voluntatem; Deus enim nō potuit aliter cognosci nisi per Filium, iuxta illud: *Filius qui est in sinu patris, ipse enarrauit nobis.* 2. Quia instituit & conseruat ministerium Euangelii in Ecclesia, & largitur Ecclesiae idoneos doctores ac ministros, eosq; instruit donis ad docendum necessariis, Eph. 4. v. 3. *Christus alios Prophetas dedit, alios Apostolos & Doctores.* 3. Quia est efficax per ministerium verbi, & mouet corda hominum electorum ad credendum & obtemperandum Euangelio. Luc. 24. v. 45. *Tunc aperuit mentem eorum ut intelligerent Scripturas* Act. 16. v. 14. *Dominus aperuit cor Lydia, ut attenderet ad ea quae dicebantur à Paulo.*

Quid

*Quid est munus Christi sacerdotale &
in quibus consistit?*

Consistit in tribus. 1. In *expiatione* nostrorum peccatorum. 2. in *efficacia* & applicatione istius expiationis. 3. in *intercessionem* pro nobis. Nam sicut sacerdos in V.T. habebat officium duplex. 1. Ut intercederet. 2. ut oraret pro populo: ita quoque officium Christi sacerdotale in eo est positum. 1. ut *seipsum offerret* victimam æterno Patri pro peccatis nostris. 2. ut *intercederet* pro nobis apud æternum patrem.

*Quæ sunt considerata in prima parte
officii Christi sacerdotalis, nempe
in expiatione peccatorum?*

Duo Nempe *Causa* per quam expiauit Christus nostra peccata, & *proprietas* istius expiationis.

*Quotuplex est Causa per quam Christus
expiauit nostra peccata?*

Duplex: *Prima* & *orta à prima*.

Quæ est Causa prima?

Est obedientia Christi quâ se humiliavit & subiecit legi, vt nempe pro nobis satisfaceret, qui legem violauerimus, iuxta illud Rom. 5. v. 19. *Sicut per inobedientiam vnius hominis nempe Adami, peccatores constituti sunt multi, ita per vnius nempe Christi obedientiam iusti constituentur multi.*

Quæ est causa orta à prima?

Duplex. Passio & mors Christi.

Quotuplex fuit passio Christi?

Duplex. Externa & Interna.

Quid est Passio externa?

Est tum dolor quem Christus pertulit in sanctissimo suo corpore, tum ignominia & dedecus, quod sustinuit.

Quæ fuit Passio interna?

Incredibilis mæstitia & tristitia, quam Christus fēsit in anima sua propter peccatum nostrum, de qua dicitur Mat. 26. v. 38. *Tristis est anima mea vsq; ad mortem: vbi per mortem non intelligit tantum mortem corporalem, sed etiam æternam q. d. tam tristis est anima mea, quàm tristis est eorum qui in æternum debent damnari.*

Quot

*Quot fuerunt præcipui cruciatus
in anima?*

Duo.

Quis est prior?

Prior fuit in horto antequam captus
esset & iudicio publico traditus. Ibi e-
nim incipiebat sibi metuere à *derelictio-
ne & desertione* Dei, quem ita intuebatur
tanquam peccatis generis humani hor-
ribiliter offensum, atq; adeò sibi horri-
biliter iratum, qui peccata totius mundi
in se deriuasset.

*Vnde cognoscis magnitudinem crucia-
tuum in anima Christi?*

Ex duobus signis. 1. Quod Christus
ibi egebat *consolatione & erectione Angeli*, ne
deficeret territus horribili conspectu
irati Dei. vide Luc. 22. v. 13. atque fuit in-
de quod ederet vocem: *Tristis est anima
mea usque ad mortem* nempe æter-
nam.

*Quod est alterum signum horribi-
lium cruciatuum in anima
Christi?*

Est sudor sanguineus: Hic enim est in-
dicium, quod omnes vires naturales in

Christo conuulsæ & velut colligatæ fuerunt præ nimio cruciatu & terrore, ita quidem vt natura sanguinem amplius in venis fouere non potuerit, sed concretum expresserit & propulerit ad exteriora, cuius violentiæ & terroris immensû nullum exemplum simile in Historia vlla legitur.

Quæ est altera passio in anima Christi?

Est ea, quam paulò ante mortem expertus est in cruce cû luctaretur cû tentatione de *æterna abiectione* à facie Dei, ideò emisit miserabilem vocem hanc: *Deus mi, quare deseruisti me?* vbi desertionẽ per Metonymiam vocat horribilem tentationẽ, quâ solent illi cruciari, quos Deus à facie sua abiicit, ac plane deseruit. Huiusmodi enim tentationẽ oportuit sentire Christum, vt nos ab æterna damnatione liberaret.

Audiri de passione Christi dic etiam de morte eius?

Mors Christi est *separatio anima à corpore eius*, quâ expiauit peccata nostra &

nos

nos ab æterna morte liberavit, idque etiam testabatur profusio illa sanguinis & aquæ ex latere Christi. De qua Ioh. 19. v. 34. *quidam* (inquit) *ex militibus latus eius fodit, & statim exiuit sanguis & aqua, sanguine testabatur Christus peccata nostra expiata, per aquam testabatur nos à sordibus peccatorum ablutos esse.*

Consequens est, ut me edoceas de proprietatibus & fructibus Passionis Christi, dic mihi ergo, quæ est prima proprietas Passionis Christi?

Hæc est: quod omnino fuerit *necessaria*, siquidem nulla ratione potuit liberari genus humanum, ab æterna morte, quam per mortem filii Dei, idque propterea, quia Deus summus & summè iustus est & ideo nō remittit peccata sine satisfactione, cum per naturam odio habeat peccata, & ea nullo modo ferre possit. Nam summa iustitia non fert iniustitiam, sicut ignis non fert aquam. Ut dicitur Psal. 25. *Non es Deus volens iniquitatem.* Secundo id testantur manifesta di-

cta Scripturæ Rom. 8. vers. 3. *Quod
 Legi erat impossibile, id fecit Deus misso filio,*
 id est, quod nullo alio modo potuit præ-
 stari, id factum est morte filii Dei. Heb. 2.
 v. 14. *Quoniam igitur pueri participes sunt*
sanguinis & carnis, ipse quoque consimiliter
particeps factus est, ut aboleret per mortem
eum qui mortis imperium habet, id est, Dia-
bolum. & v. seq. & liberos redderet, quotquot
metu mortis per omnem vitam obnoxii erant
seruituti, h. e. ut redimeret eos, qui alioqui
per eternam mortem erant perituri, nisi
ista redemptio per Christum facta fuisset.
 Et sane si alia ratione potuisset satisfieri
 pro peccatis, potuisset id fieri vel per nos ipsos
 vel per creaturam aliam. At per nos ipsos
 fieri non potuit. 1. Quia quicquid boni
 præstamus, id iam antè Deo debemus,
 quod autem iam ante Deo debemus, id
 non est pretium redemptionis seu satis-
 factionis, sed est debitum. 2. Quia nos de-
 bitum nostrum in singulos dies augem⁹,
 ideo satisfacere & persolvere nunquam
 possumus. Quod autem in dies augemus
 peccata nostra, vide Ioh. 1. v. 1. Ioh. 15. v.
 15. Ps. 130. v. 3. Mat. 6. v. 12. Mat. 18. v. 25. 3.
 Quia peccatum est læsio & iniuria, atq;
 adeo

SACRAM SYNAXIN. SI

adeo infinitum malum, ideò quoq; merebatur æternam pœnam vel æternæ æqualem, nos autem ex æterna pœna nūquam emergere possemus. *Nulla alia creatura pro nobis potuit satisfacere.* E. g. non *Angeli*. 1. quia quod homo peccauit, id iustitia Dei sic postulāte, homo debet luere, non vero vlla alia creatura, sicut dicitur Ezech. 18, v. 30. *Anima qua peccauit ipsa morietur.* 2. Quia nulla creatura ne *Angeli* quidem emergere potuissent ex æterna pœna. Ex his sequitur, *eum qui debuit pro peccatis nostris iustitia Dei satisfacere oportuisse, esse verum Deum & verum hominem.* *Hominem* esse oportuit. 1. Quia homo peccauit, ideo oportebat eum luere qui esset homo, sic nēpe requirente Dei iustitia, sicut dicitur Rom. 5, v. 22. *Sine sanguinis effusione nō fit remissio peccatorum.* Quare vt sanguinem Christus effundere posset, ideo hominē esse oportuit. Verū autem esse *Deum* oportuit. 1. Vt potentia suæ diuinitatis infinitā Dei iram aduersus peccatum generis humani posset sustinere, quia ira certo oppressus fuisset Christus, si fuisset nudus homo. Quia *DEVS* est ignis consumens Deutero.

4. v. 24. ideò tanquam homo petit à se auferri calicem passionis, tanquam què non posset ferre vt homo : & tanquam homo clamat in cruce, *Deus cur me deseruisti.* 2. Oportuit eum qui pro peccatis nostris satisfacere debuisset esse verum Deum, vt eius passio & supplicium esset infiniti valoris, atq; vt æquivaleret æternæ damnationi. Nam quia peccatis nostris eramus meriti, non tantum temporalem pœnam, non quidem ratione durationis sed ratione valoris : id est, oportuit eius pœnam æquivalere æternæ pœnæ, siue habere proportionem cum æterna pœna. At verò nullius pœna potest æquivalere æternæ pœnæ, nisi eius qui ipse sit æternus, qui est verus Deus, vnde pie & recte dixerant Patres: Deum pati plus est quam omnes homines in æternum damnari. 3. Quia satisfactionem oportuit esse infiniti valoris, vt nempe sufficeret expiandis omnium hominum peccatis. Nemo autem potest præstare satisfactionem infiniti valoris, nisi ipse sit infinitus, scilicet Deus.

Qua

*Quæ est altera proprietas Passionis
Christi?*

Quod sit vere *expiatoria* & *satisfactoria*, id est, quod propter Christi expiationem, remissa sunt peccata nostra; quod notetur. i. Contra *Samosatenianos*, qui blasphemè aiunt Christi, *passionem esse exemplarem*, id est, Christum sua passione voluisse nobis exemplum dare, ut nos quoque obediamus Deo in omnibus, & crucem quam Deus nobis imponit patienter feramus, sicut patienter Christus tulit suam crucem. Hoc dogma quod præcipitat conscientias nostras in desperationem, non aliunde promanavit, quàm ex negata Diuinitate filii Dei. Nam quia nemo pro peccatis nostris potuit satisfacere nisi esset Deus, sicut paulò ante quoque probauimus, Et verò Samosateani negant Christum esse verum Deum, ideò non poterant aliter docere, quàm Christi passionem non esse satisfactoriam sed tantum exemplarem. His blasphemias opponamus. i. Diuinitatem Filii Dei supra eidentibus testimoniis confirmatam, quando viz, obtinuerimus, Chri-

stum qui pro nobis passus est esse Filium Dei, statim etiam sequitur eius passionē esse æterni valoris, & per consequens esse satisfactoriam. II. Evidentissima testimonia Scripturæ. Esa. 53. v. 4. *Vere dolores nostris ipse portauit; & v. 5. propter peccata nostra dolore affectus est, & propter iniquitates nostras attritus est.* Rom. 5. v. 9. *Iustificati ergo nunc sanguine eius seruabimur.* 2. Cor. 5. v. 18. *Hæc omnia sunt ex Deo, qui reconciliauit nos sibi per Iesum Christum, & v. 21. Fecit ut qui non nouit peccatum, pro nobis esset peccatum.* 1. Tim. 2. v. 5. & 6. *Vnus est Deus, vnus mediator Dei & hominum Homo Iesus Christus, qui seipsum dedit redemptionis pretium, aliud autem est exemplum, aliud pretium.* Gal. 2. v. 20. *Tradidit filius Dei semetipsum pro me. Nam si per legem est iustitia, tum Christus sine culpa mortuus est quasi dicat Christus in eum finem mortuus est, ut sua morte nobis conferret iustitiam, id est, satisfactionem pro peccatis sed valde manifestus locus est.* Gal. 3. v. 13. *Christus nos redemit ab execratione legis dum pro nobis factus est execratio. Scriptum est enim execrabilis qui pendet in ligno.* 1. Ioh. 1. v. 7. *Sanguis Iesu Christi filii Dei purgat*

gat nos ab omni peccato. 1. Ioh. 2. v. 2. *ipse est propitiatio pro peccatis nostris.* Hęc sunt manifestissima Scripturę testimonia, quib. addi potest istud argumentum. *Si Christi passio fuisset exemplaris, utique Christus non clamasset, Deus mi cur me deseruisti:* nam ista verba non dant nobis exemplum quod debeamus imitari, cū cōtrariū poti⁹ debemus facere, & esse optima fiducia erga Deum, & nunquam existimare aut clamare nos à Deo esse desertos: sicut dicitur Rom. 8. v. 15. nos debere *clamare, Abba Pater,* in te acquiescit mens mea. Item. *Si passio Christi est exemplaris, quomodo patres saluati sunt,* qui ante Christum fuerunt, & ita eius exempla non habuerunt? Item quomodo *latro* qui non potuit etiā eum imitari, cum æque iam esset crucifixus antequam conuerteretur. 2. Note- tur ista proprietates passionis Christi, contra omnes qui tribuunt expiationē peccatorum, & meritum remissionis, *operibus.* Nam si nō est remissio peccatorum, nisi per effusionem sanguinis, ut ante ostendimus, opera vero etiam sanctissima non effundunt sanguinem, utiq; per opera non est expiatio seu remissio peccatorum.

*Quæ est tertia proprietas passionis
Christi?*

Quod sit *sufficientissima* nec opus habeamus vlla expiatione. Quod probatur Heb. 9, v. 26. *Nunc semel in consummatione seculorum ad abolendum peccatum, per immolationem sui ipsius patefactus est, & v. 28. Christus semel oblatus est, ut aboleret multorum peccata.* Et euidentius est. Heb. 10. v. 12. *Hic in perpetuum oblata victima confedit ad dextram Patris & v. 14. Vnica oblatione, id est, oblatione quæ vnica est plenissima & sufficientissima.* Quod vero dicitur, Colos. 1. v. 24. *Reliquias passionis Christi expleo in carne mea*, id non intelligendum est ita, quasi Christi passio non sit sufficiens & egeat supplemento; sed vocat ibi *passiones Christi per Synecdochē* eas omnes, quas oportet sustinere membra Christi, q. d. oportet me quoq; sentire istas afflictiones, quas Christus debet sentire in membris suis: sicut expressè addit: *reliquias passionis Christi expleo in carne mea*, pro corpore Christi quod est Ecclesia, ut indicet se non loqui de passione quam Christus pro peccatis nostris

nostris sustinuit, sed de cruce & afflictio-
 nibus, quas in his terris debet sustinere
 Ecclesia, quæ est corpus Christi *metapho-
 ricè* loquendo. Atque hoc de sufficientia
 passionis Christi iterum notetur contra
Pontificios, qui docent partem aliquam
 expiari per *opera bona*, quod infra refuta-
 bitur in doctrina de Iustificatione, par-
 tim per *Missam* quod infra refutabitur
 de Cœna Domini, partim per *purgato-
 rium*, quod dicunt esse ignem in qua ani-
 mæ temporalibus cruciatibus post hanc
 vitam torquentur, & purgantur à pecca-
 tis & ex quo animæ viuorum suffragio &
 precibus possint liberari: vt dicit Con-
 cil. Trident. sess. 5. Contra quod noten-
 tur hæc argumenta. 1. *In tota Scriptura,
 nullum extat testimonium de purgatorio, nec
 etiam exemplum vllum de aliquo qui fuerit in
 purgatorii igne. Ergo est merum figmentum.*
 Citant locum. 1. Cor. 8. v. 13. vbi dicitur:
*Per ignem retegetur, & cuiusque opus quale sit
 probabitur:* sed inepte hoc ad purgatoriū
 accommodatur. Loquitur enim Apost.
 de ædificatione Ecclesiæ & dicit fore vt quan-
 tum quisq; ad ædificationē Ecclesiæ at-
 tulerit, probetur examine verbi diuini

& S. Sancti quæ duo vocat ignem *Metaphorice*, quod v. 15. additur: *ipse seruabitur sed tanquam per ignem* manet in *Metaphora* & similitudine. Et dicit istos qui non rectè ædificant non statim omnes damnatum iri in æternum, sed toleraturos examen in sua conscientia, quod non satis fideliter fecerint officium. 2. no-
rentur duo manifesta dicta Scripturæ, vbi tantum duo loci nominantur qui futuri sunt in altero seculo nempe *beatorum* & in æternum *damnatorum*. Mar. ult. Ioh. 5. *Amen, amen dico vobis, qui sermonem meum audierit & crediderit in eum, qui misit me in iudicium (& per consequens in purgatorium quod est pars iudicii) non veniet, sed transibit à morte ad vitam.* Apoc. 4. v. 14. *Beati ex nunc mortui qui in Domino moriuntur.* Ex nunc, id est, ab eo momento quo moriuntur. Manifestus est quoque locus. Luc. vers. 3. vers. 43. vbi dicit ad latronem: *Hodie mecum eris in paradiso*, qui tamen maxime videbatur egere purgatorio.

Audiui

Audiui satis de prima parte Sacerdotalis Officii Christi, nempe de expiatione peccatorum nostrorum, dic quæ est altera pars Sacerdotalis eius officii?

Est efficax applicatio per quam Christus hanc expiationem à se præstitam efficaciter applicat credentibus, ita ut per eam consequantur remissionem peccatorum & reconciliationem ac pacem.

Quæ est tertia pars officii Christi?

Est intercessio pro nobis.

Quid intelligis per intercessionem?

Non intelligo precationem aliquam aut implorationem, quam Christus gratiam Dei velit nobis reconciliare sicut homo dicitur pro homine intercedere ut ei aliquid impetret. Sed intelligo. 1. *valorem sacrificii CHRISTI perpetuum*, cum nempe CHRISTVS passionem suam pro nobis præstitam, repræsentat æterno Patri. 2. *Assensum Patris*

acquiescentis in hac passione Christi, & volentis vt hæc passio Christi pro nobis, valeat in æternum.

Quod est Tertium officium Christi?

Est *officium regium*: nam non tantum Propheta & sacerdos nobis est Christus, sed etiam Rex.

In quibus partibus consistit regium Christi officium?

In quatuor. 1. Quod *regat Ecclesiam Spiritu & verbo suo*, & quod non tantum verbo suo declarat quid nobis faciendum sit, sed etiam per Spiritum Sanctum efficiat in nobis vt ea præstare possimus. 2. Quod nos *defendat contra hostes* Sathanam, peccatum, mortem, vt non possint nocere nostræ salutis. 3. Quod *Ecclesiam ornet egregiis donis* & constituat ministerium verbi, ac faciat, vt huic ministerio homines obediant. 4. Quod sub finem mundi *apparebit index* omnium hominum, & impios æternis pœnis adiudicabit, pios verò æterna gloria condecorabit.

Intel-

*Intellexi quid est officium Christi & quod-
tuplex sit: iam quoque doceas me, quod
sit obiectum, circa quod hoc suum
officium Christus
exercet?*

Est Ecclesia.

Quotupliciter accipitur Ecclesia?

Dupliciter, *Late & strictè.*

Quid est Ecclesia late accepta?

Est multitudo seu cœtus istorum o-
mnium hominum, quibus *annunciatur*
verbum Dei in quo cœtu multi sunt hy-
pocritę, qui verè non credunt, atq; adeò
in æternum damnantur.

Quid est Ecclesia strictè accepta?

Est cœtus seu multitudo hominum
ad vitam æternam per fidem à Christo
electorum. Et hic cœtus distingui solet in
militantem & triumphantem. *Militans Ec-
clesia* vocatur ille cœtus electorum & pio-
rum hominum, qui adhuc sunt in terris.
Triumphans vero vocatur ille cœtus fide-
lium qui sunt in cœlis. Et sic intelligitur

regula Patrum : *nunquam erit pars Ecclesia triumphantis , qui non fuerit pars Ecclesia militantis.* Cæterum quando Ecclesia diuiditur in *visibilem & inuisibilem*, non est diuisio propriè dicta , sed tantum diuerforum respectuum in Ecclesia. Nam Ecclesia dicitur *visibilis* respectu ipsorum hominum qui sunt in Ecclesia & possunt videri : *inuisibilis* respectu internorum donorum fidei nempe & aliorum donorum Spiritus Sancti, quæ per se non ita in sensus incurrunt. Quod notandum est contra *Pontificios* , qui volunt Ecclesiam esse *Pomposum cætum* , qui sensibus possit designari & externa Pompa caeremoniarum agnosci , sicut inquit Bellarminus. *Ecclesia tam est visibilis , quam Respub. Venetorum.* Contra, inquit saluator Luc. 17. vers. 20. *Regnum Dei non venit cum observatione* , vbi vt satis apparet ex contextu loquitur de Ecclesia in his terris , quod nempe non sit futurus pomposus cætus, qui nempe externis ceremoniis & observationibus possit deprehendi , aut solen-

lennitatibus, vestitu Senatorum, Togatorum & aliis.

Quæ sunt consideranda circa Ecclesiam?

Solus *Christus est caput Ecclesie* tam militantis quàm triumphantis, id quod probatur. 1. Manifestis Scripturæ testimoniis Eph. 1. vers. 22. *Deus subiecit omnia pedibus Christi, eumque constituit caput super omnia ipsi Ecclesie, quæ est corpus ipsius.* Et Eph. 4. vers. 15. *Christus est caput ex quo totum corpus congruenter coagmentatum & compactum est.* Col. 1. vers. 18. *Christus est caput corporis Ecclesie.* Coloss. 2. vers. 19. similis est locus. 2. Probatur ratione, quia *omne caput debet vim & virtutem viuificam infundere in omnia membra*, sicut nostrum caput in reliqua membra infundit Spiritum vitalem. *Solus autem Christus potest infundere virtutem viuificam in membra.* Ergo. At vero dicunt Pontificii: *Christus quidem est caput Ecclesie, sed inuisibile, itaq; opus est alio capite visibili & vicario Christi*

in terris ac successore Petri Apostoli, nempe *Papa Rom.* Resp. In hoc dogmate Pontificiorum plurimos fœdos errores contineri. 1. Error est, quod Christus opus habeat vicario in terris, cui opponimus hæc argumenta. I. *vicarius datur propter imbecillitatem regentis*, nam reges ideò habent vicarios, quia sunt homines imbecilles, nec possunt per seipso administrare. *Christus autem est omnipotens Rex.* II. *Is eget vicario qui non ubique potest subditis suis semper adesse.* At *Christus semper ubique adest suis membris*, sicut dicit, Mat. 28. *Ego sum vobiscum omnibus diebus usque ad consummationem seculi.* & Mat. 18. *Ubi cumque sunt duo vel tres congregati in nomine meo ibi sum in medio ipsorum*, id est, immediate ipsis adsum, vt Hebraica phrasis docet. 2. Error est, quod putant pium esse vnum aliquem hominem, & quidem Episcopum seu ministrum Ecclesiæ, tribuere sibi hanc potestatem quod sit *universale caput* & gubernator totius Ecclesiæ: cui opponimus hæc argumenta. 1. Quia Christus diserte prohibet primatum in Ecclesia. Mat. 20. Luc. 22. 2. Quia ipsi Apostoli partiti sunt inter se Apostolatam,

stolatum, quod viderent vnum Apostolum non posse præesse omnibus Ecclesiis, sicut testatur Scriptura Gal. 2. v. 7. 8. 9. vbi inquit Paulus. *Cum vidiſſent mihi concreditum eſſe Euangelium præputii, ſicut & Petro circumciſionis, cumque cognouiſſent gratiam mihi datam eſſe, Iacobus, Cephas & Ioannes, qui videbantur eſſe columna, dextras ſocietatis dederunt mihi ac Barnaba, vt nos apud gentes, ipſi vero apud Iudaos Apoſtolatu fungerentur.* 3. Moſes qui longe maior vir fuit quam Papa, non potuit ſuſtinere onus iudicandi populum Iſraeliticum, ſed coactus eſt illud partiri, vt eſt Exod. 18. Ergo multo minus Papa poterit Eccleſiam gubernare. 3. Error quod fingunt *Petrum* fuiſſe caput Eccleſiæ, cum tamen id. 1. diſerte prohibeat Chriſtus Petro & aliis Apoſtolis, ne ſe vendicent pro capitibus. 2. Cum ad Gal. 2. v. 7. diſerte dicat Paulus, *Iacobus, Petrus, & Ioannes, exiſtimabantur columna*, id eſt, errore quodam habebantur, pro talibus vt nempe poſſent eo nomine ad Galatas decipiendos abuti. Obiiciunt locum Mat. 16. *Tu es Petrus & ſuper hanc Petram ædificabo Eccleſiam meam.* Reſp. Hic non

dicit super se Petrum ædificabo Eccle-
 siam meam, sed hunc esse scopum ver-
 borum Christi, nempe vt laudet *Petri*
confessionem & hanc laudem exornet Pa-
 ronomasia seu allusione ad nomen Pe-
 tri (quasi dicat recte tibi imposui no-
 men Petri. Vide cap. 1. Ioh. vbi Christus
 Petro hoc nomen dat) quia nomine
 aliorum Apostolorum edidisti talem
 confessionem, siue doctrinam tanquam
 super petram ædificabitur Ecclesia
 mea. 1. Itaque Christus Petrum laudat,
 & in persona Petri omnes Apostolos,
 quod Christum crederent & confite-
 rentur esse filium Dei. 2. Enumerati-
 stius *confessionis utilitatem & fructum*,
 quod nempe hæc doctrina & confessio
 sit futura fundamentum super quod Ec-
 clesia DEI ædificetur, ita vt nunquam
 euertatur à Sathana. Alias quod Pe-
 trus ista verba nunquam intellexerit de
 seipso, quasi sit ille lapis, super quem æ-
 dificatur Ecclesia, id ipse aperte profi-
 tetur. 1. Pet. 2. vers. 4. vbi Christum
 dicit esse illum lapidem super quem æ-
 dificanda sit Ecclesia. IV. Quod illud
 velut firmum vendicent *Petrum fuisse E-*
piscopum

piscopum Romanum, atque adeo fuisse Romæ. Cum tamen hoc incertum sit & firmiter non possit probari Petrum vnquã fuisse Romæ, quin contrarium probabilius eluceat Petrum nunquam venisse Romam. Nam. 1. ille locus quem ante citauimus Gal. 2. memorabilis est, quod nempe Paulus datis dextris cum Petro ita partitus est Apostolaturn, vt Paulus iret ad gentes conuertendas, Petrus vero laboraret in Iudæis conuertendis. Hanc fidem dextrâ datâ Petrus violasset si iuisset Romam ad gentes conuertendas. Nec legimus duos Apostolos in eandem urbem iuisse præsertim tam remotam ad prædicandum Euangelium. Cum ergo omnium confessione constet Paulum prædicasse Euangelium Romæ, quid opus fuisset Petrum venire præsertim eodem tempore, sicut dicunt Pontificii, quod fuerint tempore Neronis Romæ. 2. Ex vltimo capite. 2. ad Timoth. vers. 16. *In prima defensione mea inquit Paulus, quando sistebar Neroni nemo mihi adfuit, sed omnes me deseruerunt, vtinam illis non imputetur.* Quod si Petrus tum fuisset Episco-

pus Romanus ut Pontificii volunt, quā turpe fuisset & indignum Episcopo deserere fratrem & collegam suum. Bellarm. dicit Petrum tum temporis abiisse ad visitandas Ecclesias. Resp. Non debebat abiisse tum temporis, quando *assistendum erat fratri*, sed debebat visitationem differre ad aliud tempus, quod fecisset, si Romæ fuisset. Deinde dico id Bellarminum *fingere*, quia id nec ex Sacra Scriptura nec ex Historico quopiam probat, sed ex sua tantum opinione loquitur. 3. *Ex circumstantia temporis*. Dicunt enim Petrum. 25. annis Romæ fuisse & 7. annis Antiochiæ, sunt itaque anni. 32. & tamen dicunt Petrum Romæ sub Nerone fuisse crucifixum, anno autem. 2. Claudii imperatoris Romam venisse. At Claudius regnavit annis. 13. Nero etiam. 13. itaque utriusque imperium duravit tantum annis. 26. quomodo ergo Petrus. 2. anno Claudii venit & 27. annis Romæ Episcopus fuit, & tamen sub Nerone crucifixus? 4. Dicimus quod *Eusebius & Hieronymus* qui hoc affirmant sibi non constant, in primis vero Hieronymus sibi manifeste contra-

tradicit. Nam cum vno in loco dixisset Petrum esse crucifixum sub Nerone, postea explicans verba Christi Mat. 23. Luc. 11. *Ecce ego mitto ad vos Prophetas, &c.* diserte dicit Petrum à Iudæis apud Hierosolymam fuisse crucifixum. Cum ergo veteres sibi contradicant, in eo apparet quod nihil certi de eo sciuerint, & per consequens, quod detestanda sit impudentia Pontificum, qui certo affirmant, Petrum fuisse Romæ Episcopum. V. Error est quod dicunt *Papam Romanum esse successorem Petri. Nam. 1. incertum est Petrum Romæ fuisse: quomodo ergo successit Petro Papa Romanus. 2. Si maximè Pontificiis id ex misericordia demus, quod Petrus Romæ fuerit, tamen non sequitur Papam Romanum esse successorem Petri: Nam etiam Turca est Constantinopoli, neque tamen sequitur Turcam esse legitimum imperatorem Orientis siue Græciæ, qui legitimam suam residentiā Constantinopoli habuerunt: locus enim non facit successionem legitimam; sed duo sunt, quæ faciunt successionem legitimam. 1. Potestas à Deo data. 2. Imitatio prædecesso-*

rum in vita & moribus. Sicut dicit quodam in loco Cyprian. & post hunc Ambrosius & Hieronymus : *Vera successio est successio in doctrina, & non legitime fert cathedram Petri, qui non retinet doctrinam Petri.* At neutrum est in Papa Romano. 1. unde probabit à Deo sibi istam potestatem esse datam, ut sedeat Romæ, tanquam Monarcha Ecclesiæ. Nullam certe literam ex Sacra Scriptura poterit proferre, unde hoc probet, contrarium potius mandavit suis discipulis CHRISTVS, ne nempe vnus velit esse supra alium. 2. Successionem etiam in veram doctrinam Papa Romanus non habet. Nam si decreta Papæ cum Epistolis Petri conferantur tantum discrimen erit inter ista, quantum inter lucem & tenebras: imò paulò post sumus probaturi Papam Romanum esse caput idololatrarum, tantum abest ut sit successor Petri in doctrina.

Quæ sunt membra Ecclesiæ?

Sunt

Sunt *omnes fideles*, qui in Christum credunt ad vitam æternam : Hi enim omnes Christo vniuntur, non secus ac membra nostri corporis vniuntur capiti suo. Vniuntur inquam per *Spiritum Sanctum* qui efficit tales motus in eis, quales sunt in ipsa assumpta humana natura Christi, id est, efficit, vt fideles fiant participes potestatis sacerdotalis, propheticæ, & regię, quæ est in Christo. De qua re suauissimè concionatur Petrus Epistola. 2. cap. 2. vers. 9. *Vos estis genus electum, regale, sacerdotium, Gens Sancta, populus quem sibi DEVS vt proprium vendicat, vt virtutes prædicentur illius qui nos vocauit è tenebris in admirabilem lucem suam.* Vide de hac doctrina plenissima consolationis, nempe de vnione membrorum cum Christo capite Syst. Theolog. pag. 370.

*Quotuplicia sunt membra
Christi?*

Duplicia *Ministri* verbi & *Auditores*. Hic *Pontificii* nobis obiciunt, quod non habemus legitimos ministros in Ecclesia, & per consequens quod

etiam non sint legitimæ oues, quia inquiunt: *ubi non sunt legitimi pastores ibi ne legitima oues*, Sed negamus *antecedens*, quod in nostris Ecclesiis non sint legitimi pastores, quia is est legitimus pastor, qui legitimo modo administrat suum officium, quod per puram fit prædicationem & administrationem Sacramentorum. At dicunt. *Quis vocauit vestrum Lutherum & Caluinum?* Resp. nos non pendere à Caluino aut Luthero, sed ab ipsis *Prophetis & Apostolis*. Lutherus autem & Calvinus nec Prophetæ nec Apostoli fuerunt; si autem scire velint qualis fuerit vocatio Caluini aut Lutheri. Resp. fuisse ordinariam. Nā *Lutherus* Doctor Theologiæ creatus est publica autoritate Academiae Witembergenfis, & ita vocatus est ad docendum ordinaria vocatione. At vero Academia Witembergenfis fuit Pontificia. Resp. Fuit sanè tum temporis, tamen Lutherum vocauit ad puram prædicationem Evangelii. Non dicunt enim Pontificii quod Lutherus cum ab ipsis fuit vocatus ad docendum, fuerit vocatus ad errores docendos, sed ad docendam veritatem.

tatem. Itaque dum postea verum docuit, ordinaria vocatione eam docuit, etsi nō docuerit ad placitum Papæ & Episcoporum. Respondeo. Peccatum hoc Lutheri non facit irritam eius vocationem. Idem dicimus de *Zwingle*, *Caluino*, & aliis qui ab Episcopis fuerunt creati, vbi tamen considerandum est, quod ad istam ordinariam vocationem accesserit quiddam extraordinarium, dum nempe primos istos ministros doctrinæ Evangelicæ, singulari quadam virtute ornavit ad detegendas horribiles abominationes in Papatum. Reliqui autem ministri qui in Ecclesia reformata docuerunt & adhuc docent, vocati fuerunt ordinariè à *magistratu* & vocantur adhuc hodie.

Iam nunc cupio audire de proprietatibus Ecclesiæ, & primo dic mihi quotuplices sunt Ecclesiæ proprietates?

Duplices: Quædam sunt *notificantes* & ostendentes nobis vbi sit Ecclesia: quædam vero *nuda* tantum.

Quot sunt proprietates notificantes Ecclesiam: seu quot sunt notæ veræ Ecclesie?

Dux tantum sunt. 1. *Puritas doctrinæ & Sacramentorum.* 2. *Sanctitas obedientiaque vitæ debita verbo DEI: quod probatur ex Ioan. 10. capite. Oves meæ vocem meam audiunt. Matth. 28. Euntes docete omnes gentes baptizantes eos. Ioan. 5. vers. 14. Vos amici mei estis, &c. Ioh. 13. vers. 32. Ex eo agnoscant homines quod discipuli mei sitis, &c. Pontificii dicunt has non esse notas veræ Ecclesie, & inquirunt. Omnes Hæretici possunt sibi vendicare hoc quod habeant purum verbum DEI & legitimum usum Sacramentorum. Ergo. Respondeo. Id quod per accidens est, non euertit id quod per se est. Per accidens fit quod sibi usurpant Hæretici. Quid enim maius in Ecclesia, quam purum verbum DEI & legitimus usus Sacramentorum. Cæterum in enumerandis notis Pontificii ipsi non conueniunt, vide pagina. 396. Systematis*

tis Theologici. Communiter autem dicunt has esse notas. 1. *Antiquitatem* : sed Respondeo, si de antiquitate simpliciter glorientur, etiam *Diabolus est perpetuus serpens*, neque tamen propterea est melior : itaque oportet antiquitatem veræ doctrinæ quærere, quam dicimus esse in nostra Ecclesia, utpote cuius nota est purum verbum DEI, quo nihil est antiquius. *At vestra* (inquit) *Ecclesia cepit demum cum Luthero ante Annos. 80.* Ergo non est vera Ecclesia. Respondeo. Falsum est quod Ecclesia nostra tum incœperit. Nam nostra Ecclesia *cepit statim in Paradiso* & fuit tempore prophetarum. Alteram notam dicunt esse *continuum successionem* seu perpetuitatem doctrinæ in Ecclesia, atque ita condemnant nostras Ecclesias, utpote in quibus non fuerit continua illa successio, & insultant nobis dicentes : *ubi fuerunt ante LVTHERVVM annis. 600, quibus vos dicitis mundum obscuratum tenebris Pontificiis.* Resp. *Interdum esse clariorem, interdum obscu-*

riorem : itaq; si per successionem intelligant statum Ecclesiæ perpetuo æque clarum, tum falsum hoc esse quod talis successio sit proprietas & nota veræ Ecclesiæ. Nam visibilis Ecclesiæ status est in cultu religionis & in doctrina nequam sibi Ecclesia perpetuò est conformis, sed suas velut obscuraciones & eclipses vt ipse Sol & Luna patitur, & interdum erroribus inuoluitur, vt nullus visibilis status, seu nullum visibile ministerium ita euidenter appareat, quod Scriptura manifestè testatur. 2. Paralip. c. 28. vbi Ecclesiæ status plane fuit obscuratus, vsque adeo, vt *Elias* se solum putaret superfuisset inter membra Ecclesiæ, & nullum alium nosset, qui pure Deum coleret. Interim Deus dicit, *Reseruavi mihi septem millia, qui non flexerunt genua coram Baal*. Sic tempore Christi degentis in hac terra, status Ecclesiæ fuit corruptissimus, ita vt præter *Christum*, & *Apostolus* eius paucissima essent veræ Ecclesiæ membra. Imò ante natum Christum, *Maria*, *Ioseph*, *Zacharias* & *Elisabetha* & pauci alii veram Ecclesiam, & ita latitabant, vt nemini apparerent. Similis sta-

lis status fuit annis istis 600. sub Papatu de quo disertissimè in Apocal. 12. cap. prædictum fuit: fore nempe vt Ecclesia lateat tanquã in deserto abscondita. Ergo *nulla erat Ecclesia*. Sicut non sequitur: *hic homo est absconditus*. Ergo *non est homo*. Fuerunt in crassissimis istis tenebris & sub regno Antichristi Romani vera mēbra Ecclesiæ, et si propter immanem *Tyrannidem Papæ* latuerint, neque ita pauci fuerunt, vt fingunt Pontificii, qui etiam hoc tempore sub Papatu puram doctrinam & Sacramenta habuerunt, sed fuerunt etiam multi, & integræ gentes crassis istis erroribus Pontificiis non inquinatæ, vt *Albingenses & Valdenses*, *Piccardi* qui propagauerunt frustra repugnante Papa Rom. in Bohemiam & Poloniam: Sicuti annis centum ante Lutherum fuerunt *Hussitæ* fratres Bohemi, qui veram doctrinam pro ratione istorum temporum proposuerunt. Quinimò etiam fuerunt omnibus & singulis annis istis testes & Doctores diuinitus excitati, qui publicè & palam reclamarunt Papæ Rom. & erroribus Pontificiis: quos testes veritatis sub Papatu collegit liber

lectu dignissimus , qui Pontificiis opponi debet , cui titulus *Catalogus re-
stium veritatis*. Tertiam notam constituunt *Pontificii vniuersalitem* , quod nempe Ecclesia etiam dispersa per totum orbem terrarum , debeat esse Catholica. Respondeo Pontificiis sibi contradicunt , cum dicunt Ecclesiam debere esse *Catholicam* , & etiam debere esse *Romanam* , quod perinde est ac si dicam : Ecclesia debet esse vniuersalis Dantiscana , aut vniuersalis Cracouiensis , siue particularis vniuersalis. Nam Romanam esse & particularem esse idem est. Secundò , Respondeo , Nos non negamus quod Ecclesia debeat esse Catholica eo sensu quo in Symbolo hoc verbum vsurpatur vt postea declarabitur. Dicimus autem nostram ECCLESIAM semper fuisse Catholicam & adhuc esse , quia postquam Apostoli collegerunt Ecclesiam ex omnibus gentibus , semper manserunt reliquæ veræ Ecclesiæ in omnibus gentibus , etsi reliquæ i-

stz

stæ fuerint occultæ , sicut testatur liber ille , quem paulò antè citauimus, quod sub Papatu in Græcia , Italia, Hispania , Germania , Bohemia , Polonia , semper reperti sunt qui contradixerint Papæ. Quod vero *Iesuita* nobis opponunt in America & in India Orientali , multos esse Euangelicos adhuc , sed Pontificios & imprimis Iesuitas conuertere. Respondeo, primò, etiam *Pharisæos* per maria & terras cucurrisse & homines ad suam fidem duxisse, neque tamen *Pharisæorum* religionem esse veram. Secundò , dicimus Pontificios plures in Indiis trucidasse quam conuertisse vt in Politicis locum citauimus vbi exiguo tempore centum quadraginta millia hominum necati sunt. Tertiò , dicimus etiam *Diabolum* currere per totum orbem terrarum & multos seducere , ne tamen propterea esse meliorem. Quartò, dicimus etiam nostros ministros docuisse in *America* verum Euangelium : siquidem Geneuâ CALVINVS duos ministros Ecclesiæ inter quos fuit *Ioannes Lerius*,

qui istam historiam conscripsit, miserat. Et hodie sunt Orthodoxi ministri in India Orientali, qui publice docent doctrinam Euangelii veram, transuecti eo à mercatoribus Belgicis. Et omnino sub finem etiam huius mundi in America erit vera religio: sicut Deus iam etiam parat per mercatores Anglos & Belgas, ut impleatur illud Christi Mat. 23. *Prædicabitur Euangelium istud in toto orbe terrarum, ut sit testimonium omnibus gentibus.* Deus enim in omnibus operibus suis semper successivè agere solet, idcirco primum istis gentibus mittit aliquam lucem de Essentia sua & veritate per Pontificios, postea per ministros veræ doctrinæ clarius illas gentes illustrabit. Quartam notam Pontificii dicunt esse *concordiam* & consensum. Resp. Concordiam & consensum eatenus esse notam Ecclesiæ, quatenus est *consensus in vero & bono*, non autem in malo & falso. Nam consensus in malo & falso est etiam inter Diabolos, & inter latrones summus consensus. Ita inter Turcas est maximus consensus, ita ut latissimè propagatus sit *Mahometismus*: neque tamen sequitur Maho-

Mahometismum esse veram Ecclesiam.
2. Resp. in nostris Ecclesiis esse *consensum in veritate*. Nam etsi multæ sint Ecclesie post Lutherum exortæ, sicut semper Diabolus magis insidiatur veræ Ecclesie, & in ea sectas excitat, tamen Orthodoxi manent cōcordes in articulis fidei, quod testatur egregius liber ille *Harmonia confessionum*, vbi manifestè probatur, quod maximus sit consensus inter Ecclesias Gallicas, Anglicas, Scoticas, Bohemicas, & eas quæ sunt in *Germania ad Rhenum* & aliis nonnullis prouinciis. Nam illud diffidium inter *Lutheranos* & *Orthodoxos* non statim euertit concordiam quæ est inter Ecclesias Orthodoxas. 3. Negamus quod tantus sit consensus in Ecclesia Romana quam glorientur. Potest enim ostendi, quod Pontificii in nullo articulo inter se consentiant, sicut apparet ex *Bellarmino* qui sæpe disputat contra alios Pontificios; & allegat contradictiones & repugnantias Pontificiorum. *Mathias Illyricus*, Item *Iohannes Pappus* ad quos libros Pontificii nondum responderunt. *Andreas* etiam *Chrisostomus* scripsit *bellum Iesuiticum*, qui etiam nondum est re-

PRÆPARATIO AD
furatus. Iste liber Chrysostouii editus
est in quarto Basileæ.

Quæ est proprietas Nuda seu secundaria?

Ecclesiæ quoq; N. T. ista proprietas
comperit quod sit *Catholica*. 1. Ratio-
ne *locorum*, nō quia multa regna posside-
at, sed quia sparsa est per totum orbem
terrarum, & ad nullum locum certum
& certam gentem vel urbem alligata.
Secundò, Ratione *hominum*, quia col-
lecta est ex omnium generum homi-
nibus, ex conditione omnium homi-
num & gentium. Act. 10. Tertiò, Ratio-
ne *temporum*, quia durabit omnibus
temporibus usque ad finem mundi, si-
cut dicitur. Matth. 28. *Ero vobiscum us-
que ad consummationem seculi*. Quartò, Ra-
tione *unitatis*, quia Ecclesia Catholi-
ca omnibus temporibus vna est, nempe
vnitate doctrinæ & consensu in ista do-
ctrina. Atque ita etiam diximus de pro-
prietatibus Ecclesiæ. Iam si Ecclesiam
Pontificiam ad has proprietates exami-
nemus, apparebit eam non esse puram
Eccle-

Ecclesiam sed valde corruptam, perinde ut pomum putridum est quidem pomum sed corruptum: sicut & homo peste corruptus est homo, sed non sanus homo. Quod autem Ecclesia Pontificia non sit pura duobus manifestissimis argumentis probabimus. Primum, *Ecclesia idololatria non est pura Ecclesia. Pontificia est talis.* Ergo. Maior est manifesta, quia Deus nihil magis detestatur quam idololatriam; ideo dicit. *Fugite idola: item: nullus idololatra servabitur.* Minor probatur. *Quia Ecclesia istum honorem quem David Deo tribuit, iisdem verbis tribuit creaturae nempe Mariae virgini, illa est Idololatrica.* At Romana Ecclesia. Ergo. Quod autem Romana ECCLESIA honorem DEO debitum transferat ad Mariam virginem, evidentissimo documento probamus ex Psalterio virginis Mariæ compilato à Bonaventura, qui vixit ante annos. 250. & est canonizatus à Papa Romano, ita ut numeretur inter Sanctos, & tribuatur illi nomen Seraphici, id est, Angelici Do-

ctoris. Hoc Psalterium permissu superiorum excusum est Latine *Brixia & Bononia* in Italia ante annos. 8. *Ingolstadii* vero in Academia Iesuitarum excusum est Germanice ante annos. 20. & expresse in præfatione dicitur, quod Spiritu Sancto dictate, compilatum sit: item, quod psalterium istud passim vsurpetur in Ecclesia Romana inprimis à Monachis Benedictinis, qui *Cistercienses* appellantur. In hoc Psalterio omnia quæ Dauid tribuit Deo optimo maximo tribuuntur Mariæ virgini vt Psal. 50. *Miserere mei Domina, & munda me ab omnibus iniquitatibus meis.* Sed inprimis blasphemum est Psal. 109. Secundum istam distinctionem. *Dixit Dominus Domina mea sede mater mea à dextris meis,* vbi Maria constituitur mater Dei patris, quasi Pater etiam natus fuisset homo, vt non dicam, quod collocari ad dextram Dei sit habere potentiam parem & gloriam eū ipso Deo æqualem. 2. Quod Romana Ecclesia sit idololatræ probatur *Missali Romano* feria. 6. in Parasceue: vbi dicitur *Vbi Sacerdos deponit calceamenta, & accedit ad adqrandam crucem, ter genua flectens ante deoscu-*

de osculationem crucis, postmodum ministri
Altaris ter etiam genibus flexis crucem ado-
rant. II. Argum. Ecclesia qua probat ma-
nifesta scelera, non est pura. Romana est talis.
Ergo. Maior probatur: quia ipsis Pontifi-
ciis confitentibus Sanctitas morum est
nota veræ Ecclesiæ. Minor prob. Quia
Papa dispensat de Incestu, Sodomia, &
aliis grauissimis sceleribus. Vide in locis
commun. *Musculi Taxam Rom. curiæ*
descriptam. Secundò probatur ex *En-*
chyridio Francisci Costeri vbi dicitur. Sacer-
dos qui fornicetur aut domi concubinam ha-
beat, non tam grauiter peccat, quam si contra-
hat matrimonium, Hoc probat *Iacob. Gre-*
tzerus in Historia ordinis Iesuitici. pag. 115.
verissime Scripsit Costerus noster sacerdotem
si fornicetur, non tam grauiter peccare, quàm
si contrahat matrimonium. Et addit: imò re-
cte dicitur minus peccare sacerdotem adulte-
rium committendo quam uxorem ducendo.
Bellarmin. lib. 2. de Monachis c. 30. De mo-
ntali qua habet votum continentia, non po-
test recte dici, melius est nubere quam vri, nam
utrumque est malum & nubere & vri, imò
peius est nubere quam vri, quicquid rectament
aduersarii. I. Cor. 17. dicitur: Melius est

nubere quam vri. Notetur hoc loco quod *Sieidanus* scribit libro. I. *Episcopum* quendam *Italum nomine Casam*, scripsisse *librum integrum de laudibus Sodomie*, ubi notetur pro conclusione: etsi omnia concedantur Pontificiis, quæ pompose disputant de Ecclesia, tamen eos nihil adhuc obtinere, quia debent prius probare, quod *Papatus sit vera Ecclesia*, quod dum nondum probant, nec in æternum probare poterunt, obiciunt nobis speciosum titulum Ecclesiæ. Et quando dicunt: *absurdum est ante locum de Ecclesia discutsum, ullam de articulis fidei suscipere disputationem*, id etiam parum eos iuuat, quia de doctrina & fide ex verbo Dei disputant, & disputari potest, etiamsi nondum locus de Ecclesia sit tractatus. Nam *verbum Dei est ante Ecclesiam & supra Ecclesiam*, & Ecclesia non habet ius torquendi Scripturam vt supra probauim' in loco de Scriptura. Notetur dolus singularis Pontificiorum, qui cum diu de Ecclesia vociferati sunt, tandem dicunt Ecclesiam esse *concilium* Papæ, Cardinalium, & Episcoporum, atq; ita reliquos homines, qui non sunt Cardinales & Episcopi

piscopi tacitè videntur remouere & excludere, qui Ecclesiam propriè & principaliter dictam non constituerent, saltem vt possint suorum Spiritualium stabilire insolentiam, contra manifestum Dei verbum.

Doctrinam de redemptione mihi declarasti, consequens est, vt me erudias de iustificatione hominis coram Deo, quare dic mihi quid est iustificatio?

Iustificatio est absolutio hominis peccatoris à peccatis, siue est *remissio peccatorum* ex mera Dei gratia, propter meritum Christi, per fidem nobis applicatum & imputatum.

Quae sunt consideranda circa iustificationem?

Quatuor. 1. *Causa principalis*. 2. *Causa instrumentalis*. 3. *Effectus* seu fructus. 4. *Connexum*.

Quae est causa iustificationis coram Deo?

Causa Principalis iustificationis est
 vel *Prima* vel *Orta*. Prima causa est *gratia*
 & *miserericordia Dei*. Orta est *meritum Chri-*
sti seu Passio & mors Christi nostra fa-
 cta, nobis imputata, siue nobis appro-
 priata; ut nempe Christi Passio tam no-
 bis seruiat, ac si nos ipsi in cruce pe-
 pendissemus ac pro peccatis nostris mortui
 fuissetmus, 2. Manifesta testimonia
 Scripturæ Rom. 5, v. 19. *Sicut per unum*
hominem peccatores constituti sunt multi, &c.
 Rom. 4. v. 6. *Beatus homo cui Deus imputat*
iustitiam absq. operibus legis. 2. Cor. 8. *Fecit*
eum qui non nouit peccatum ut esset peccatum
pro nobis, ut nos efficeremur iustitia Dei ini-
psa. Gal. 3. v. 13. *Christus nos redemit ab*
execratione legis, dum factus pro nobis est ex-
cratio. Philip. 3. v. 9. *ut comperiar non habens*
meam iustitiam, sed eam quæ est per fidem
Christi. Non repugnat autem hoc quod
 dicimus peccatorem iustificari ex mera
gratia Dei, & ex merito Christi, quia mera
 Dei gratia & misericordia factum est,
 quod Christus pro nobis illud meritum
 præstiterit, nam Christus non erat nobis
 obligatus, ut pro nobis moreretur, sed
 ex

ex mera gratia & misericordia pro nobis mortem subiit.

Quæ est causa instrumentalis iustificationis?

Sola *fides* in Christum, ut pote quâ fide tanquam manu & instrumento apprehendimus & applicamus nobis meritum & satisfactionem pro nobis à Christo præstitam.

Quid est fides?

Fides non tantum est *notitia historia* de Christo, sed etiam est *vera fiducia* cordis quâ certo statuimus & confidimus nobis peccata à Deo remitti propter Christi passionem & mortem. Notentur hîc errores grauiissimi *Pontificiorum* quorum. 1. est, quod fides sit tantum quædâ *notitia historica*, non autem vera fiducia cordis. Contra quod Scriptura loquitur Rom. 8. v. 20. ubi fides vocatur certa fiducia seu persuasio. Vide Gymnas. Logicum, in quo hoc thema tractatur Fides. 2. Est error, quod consequamur remissionem peccatorum non sola fide, sed etiam *merito bonorum operum* contra

dicta Scripturæ. Eph. 2. v. 8. *Gratia Dei seruati estis per fidem, non ex vobis.* Rom. 4. *Credit Abraham, & imputatum est ei ad iustitiam.* Item. *Et qui non operatur sed credit in eum qui iustificat impium, imputatur fides sua ad iustitiam* Luc. 8. Mar. 5. dicit Christus: *Solummodo crede, quod perinde est, ac si diceret: Sola fide conserueris vitam æternam.* Et si ergo non extant manifeste ista verbo: *Sola fide iustificamur*, tamen sensus est manifestè in Scriptura & verbo æquipollentia. Nam quod Apost. dicit. Rom. 3. v. 28. *Concludimus hominem iustificari absque operibus legis, plane idem est ac si dixisset: Concludimus sola fide iustificari hominem.* Nam aut fide iustificatur homo aut operibus, non datur tertium. Ad Gal. 3. v. 16. dicit diserte Paulus: *Scimus hominem non iustificari ex operibus legis nisi per fidem Iesu Christi.* Eph. 2. Tit. 3. v. 5. *Non ex operibus iustis quæ fecerimus nos, sed ex sua misericordia seruauit nos, per lauacrum regenerationis & renouationis Spiritus Sancti.* Ergo restat vt dicamus *sola fide iustificari hominem.* Quod autem homo non iustificatur operibus, atq; adeo quod opera no-

ra nostra non mereantur remissionem peccatorum, probatur manifestis dictis Scripturæ. Tit. 3. v. 5, Eph. 2. v. 8. *Gratia estis seruati per fidem, idq; non ex vobis; donum Dei est: non ex operibus ne quis glorietur.* 2. Philip. 3. v. 9. Rom. 3. v. 24. II. Iustificamur antequam bona opera edamus, sicut testatur expresse Paulus de *Abrahamo*, quod antequam bonū opus fecisset, iustificatus fuerit coram Deo, vbi inquit Rom. 4. v. 2. *Si Abrahamus iustificatus ex operibus fuit, habet quod glorietur, at non apud Deum, ei qui operatur, merces non imputatur ex gratia, sed ex debito: at vero qui non operatur, sed credit in eum qui iustificat impium, imputatur fides sua ad iustitiam.* Tertium argumentum sumitur ex proprietate operum nostrorum. *Nostra opera sunt debita.* Ergo per ea nihil possumus mereri. *Antecedens* probatur, Luc. 17. *Cum omnia feceritis, &c. 2. Bona opera non sunt nostra sed Dei, per id autem quod non est nostrum sed alteri nihil possumus mereri.* *Antecedens* probatur Philip. 2. vers. 13. *Deus est qui efficit & perficit.* Eph. 2. vers. 10. *Ipsius factura sumus, creati in CHRISTO IESU ad bono opera que*

præparauit ut in illis ambulemus. 3. Bona opera non sunt perfecta. Ergo nihil possumus iis mereri. Qui vult ab aliquo mereri, tria requiruntur. 1. Ut habeat suum proprium. 2. Ut non sit debitum. 3. Ut sit perfectum: quæ tres conditiones desunt nostris bonis operibus, sicut dicitur Esai. 6, Omnis iustitia nostra similis est panno menstruato & Phil. 3. v. 8. vocat Paulus sua opera stercora.

Audiui de fide iustificante, dic etiam per quas causas fides hæc acquiritur?

Causa per quam fides principalis saluifica acquiritur est Spiritus Sanctus. Instrumentalis est vel ordinaria vel extraordinaria.

Quod est ordinarium instrumentum per quod Spiritus sanctus fidem in nobis operatur?

Duplex est: Verbum Dei nempe & Sacramenta.

De verbo Dei supra audiui, dic quid est Sacramentum?

Est

SACRAM SYNAXIN. 93

Est sacrum *signum* diuinitus institutum, quo Deus credentes certo: reddit de sua gratia & remissione peccatorum aliisq; beneficiis per Christi passionem & mortem conferendis.

Quotuplicia sunt Sacramenta?

Duplicia *Veteris & Noui Testamenti.*

Quot fuerunt Sacramenta in V.T?

Duo: nempe *Circumcisio & Agnus Paschalis.*

Quot sunt Sacramenta in N.T?

Duo tantum, *Baptismus & Cæna Domini.*

Quid est Baptismus?

Est Sacramentum N.T. quo perfusione aquæ in nomine Patris, Filii & Spiritus Sancti facta *initiamur* Ecclesiæ, & *obsignatur* fidelibus remissio peccatorum facta per sanguinem Christi & regeneratio ad vitam æternam. Vide plura in *Syst. Theolog.* pag. 45. Et in explicat. *Catechismi vrsini* pag. 459. editionis vltimæ.

Quid est Cæna Domini?

De hac agitur in Speciali notitiâ, vt pote quæ notitiâ proximè accedit ad legitimam præparationem ad *Cœnam Domini*. Hic notetur error *Pontificiorum* qui fecerunt *septem Sacramenta*. N. T. nempe Baptismum, Confirmationem, Pœnitentiam, Eucharistiam, Extremam vnctionem, Ordinem & Coniugium. At vero iste numerus Sacramentorum, nullo Sacræ Scripturæ testimonio nitur, nullo etiam vetustorum Patrum suffragio, sed recens illa enumeratio facta est, ante annos 200. tempore *Lombardi Magistri sententiarum*. Præterea omne Sacramentum, debet habere *signū & rem signatam*, pœnitentia, coniugium, ordo, planè carent signo. Præterea omne Sacramentum habet connexam *promissionem gratiæ* & pertinet ad omnes credentes in Ecclesia, & denique manifeste Sacramenta sunt *instituta à Christo*, vt quod de istis quisque Sacramentis quæ fingunt Pontificii, præter Baptismum & Cœnam Domini nullo modo dici potest.

Quod est instrumentum extraordinarium Fidei?

Sunt

Sunt *miracula*, quæ sunt signa extraordi-
 naria, per quæ Deus miro quodam
 modo fidem operatus est & confirma-
 uit in primitiua Ecclesia. Notetur du-
 plex error *Pontificiorum*. 1. Quod putant
 adhuc opus esse miraculis, cum tamen
 miracula tantum seruiant confirmandæ
 doctrinæ ab initio, & debent cessare
 postquam doctrina est confirmata. 2.
 Error est, quod putant miracula esse no-
 tam veræ Ecclesiæ, cum tamen & Hy-
 pocritæ passim ediderint miracula & e-
 dere queant. Marc. 13. vers. 22. Luc. 21.
 quod sub finem exorientur Pseudopro-
 phetæ qui miracula edant, 2. Thes. 2. v. 9.
 memorabilis est locus contra Pontifi-
 cios gloriantes de suis miraculis : *ad-
 uentus Antichristi est ex efficacia Sathanae,
 cum omnipotentia, & signis & prodigiis men-
 dacibus*. Hic apparet, ante finem mundi
 edere multa miracula esse *notam Anti-
 christi*. Et dicit Apostolus illa prodigia
 etiam mendacia, quid experientia testa-
 tur in Monasteriis, quam multæ frau-
 des excogitantur à *Monachis*, & ad deci-
 piendum vulgum, ut putent edi miracu-
 la.

*Audiui de causis iustificationis, dic
mihi quis sit fructus iustifi-
cationis?*

Est *pax conscientia* per quam homo de Dei gratia certus est de vita eterna. Quod inprimis obseruetur contra detestandum errorem *Pontificiorum*, qui in Concil. Trident. sess. 6. statuunt hominem in hac vita non posse esse certum, sed debere semper dubitare, & addunt *non esse maiorem abominationem apud Deum; quam cum miser peccator statuit se esse certum de gratia Dei*, & addunt, *eum qui hoc statuit, debere esse anathema.* Huic abominando errori opponimus manifesta dicta S^a S^m. Rom. 8. v. 15. *Non accepistis Spiritum seruitutis sed adoptionis, per quem clamamus Abba Pater, qui testatur Spiritui nostro una, nos esse filios Dei.* Horribilis est impietas nos nolle eius testimonium accipere, sed de eius certitudine dubitare. 1. Ioh. 5. *Qui credit in filium Dei, habet testimonium in seipso.* Et sanè si Deus vellet nos dubitare, nunquam iurasset, se velle nobis esse propitium. Iam vero iurauit manifeste Ezech. 8. *Viuo ego*, id est, quam verè sum & viuo,

vino, nolo mortem peccatoris sed ut uiuat. It.
 Ioh. 5. Amen, amen dico vobis, quicumq; cre-
 dit in filium, habet vitam aternam. Va au-
 tem tibi, ait Augustinus, sine Deo iuranti
 credis. Sed obiciunt Pontificii. Qui sunt
 infirmi, facile labuntur, illi non possunt ef-
 se certi de gratia Dei, Resp. Quicumque
 sunt infirmi, illi facile possunt labi. limi-
 to, nisi alius sit *potentior*, qui eos susten-
 tet. Iam autem Deus est ille qui nos su-
 stentat, & qui succurrit infirmitati no-
 stræ. Ergo possumus esse certi de remis-
 sione peccatorum, & de gratia Dei, non
 quidem per naturam nostram, quæ est
 infirma, sed per auxilium Spiritus San-
 cti nos confirmantis, secundum dicta
 Scripturæ. Psal. 37. v. 24. Si ceciderit iustus,
 non collidetur, quia Deus supponit manū.
 Ioh. 10. v. 38. Ego vitam aternam do meis o-
 nibus, nec peribunt in aeternum, neque rapiet
 eos quisquam è manu mea. Pater qui dedit mi-
 hi eas, maior est omnibus, id est, facile potest
 infirmitatem eorum supplere, & eas su-
 stentare potenter. Rom. 8. v. 38. Mihi
 persuasum est, neque vitam, neque mortem,
 neque presentiam, neque futura posse nos separa-
 re à Charitate Dei, quæ est in Iesu Christo. Ob-

iiciunt locū. 1. Cor. 10. *qui stat, videat ne cadat.* Resp. Apostolum loqui ibi de *hypocritis* qui falso sibi persuadent se stare, & deinde loquitur de *infirmirate humana*, de qua omnino sumus admonendi, ne putemus salutem positam esse in nostris viribus, sed solummodo *gratia diuina*. Citant etiam Eccl. 9. *Nescit homo, an amore, an odio dignus sit.* Resp. Est fallacia non limitati, oportet ergo limitare Nescis homo *ex se*, scit autem Deo reuelante & Spiritu Sancto testante. 2. Nescit homo ex istis causis humanis, & ex *fortuna euentu*, & rerum externarum casibus, expresse ibi textus loquitur. Quod homo ex rebus externis nempe Diuitiis, vel paupertate, vel valetudine, vel morbis, ex honore vel contemptu, vel denique ex omni externo hoc statu, non possit iudicium capere an sit in gratia an verò in odio Dei. Atque ita quod non possit sic cōcludere quā multi concludunt. *Ego sum diues.* Ergo *sum filius Dei*: vel, *ego sum miser.* Ergo *Deus me odit*. Nā ex verbo Dei oportet nos iudicium capere, an simus in gratia Dei, necne. Cū ergo certum sit, quod homo fidelis possit esse certus de gratia Dei & remissione peccatorum, & habere pacē cōscientiæ,

sicut dicitur Rom. 5. v. 1. *Iustificati fide pacē habem⁹*. Sequitur inde alterū quoq; quod homo cum receptus sit in gratiā Dei, & consecutus sit semel per veram fidem remissionem peccatorum, ut nō possit excidere plane ex gratia Dei & amittere fidem, atq; ita fieri obnoxius æternæ damnationi. Nam quia nō debemus dubitare de Gratia Dei, ideo nō possumus etiam excidere de gratia Dei. Nam si possum⁹ excidere, oporteret nos dubitare de gratia Dei. Quod autē semel recepti in gratiā Dei, non possumus plane amittere gratiam Dei, dicit Scriptura, Rom. 8. v. 1. *Nulla est cōdēnatio his qui insiti sunt in Christo Iesu*. Si nulla cōdēnatio, perpetua gratia. Et si nulla condemnatio, nullū tēpus quo possint excidere ē gratia Dei, & incidere in condemnationem. Nā nulla cōdēnatio tā genere, quā tēpore hic est intelligenda. Huc pertinet locus quem ante citauimus. Ioh. 10. *Oves meas nemo rapiet ex manu mea*, Quod perinde est ac si diceret, nunquam rapiuntur oves ē manu mea. Quod notetur contra Pontificios, qui dicunt, *hominem semel receptum in gratiam Dei, iterum posse ex eadem gratia*

excidere perinde ac si nunquam in ea gratia fuisset, sed ex Deo misericordi, habeat immisericordem, irreconciliabilem, sicut aliquis qui excidit gratia regis, ex rege clemente nanciscitur inclementem. Obiiciunt locum Psal. 51. vbi Dauid post admissum peccatum precatur: *Redde mihi letitiam salutaris mei.* Ergo, *inquiunt, amiserat gratiam Dei.* Resp. Pontificios non rectè aspicere, nam non dicitur Redde mihi Spiritum meum quem amiseram, sed dicit *redde mihi letitiam.* Itaque ille textus est contra ipsos: si enim Dauid amisisset gratiam illam Dei & Spiritum, & salutare illud suum amisisset: sed sic tantum ait: *redde mihi letitiam.* Nam homo fidelis cum incidit in peccata, retinet quidem Spiritum Sanctum, sed contristat tamen conscientiam suam, & non fit amplius ita lætus coram Deo ut ante erat. Petit ergo ut tristitiam hanc illi adimat & reddat cor lætum.

*Audiui de fructu iustificationis,
dic quod est connexum iustificationis?*

Quia

Quia homo iustificatus etiam sepius in die cadit, ideo cum iustificatione semper debet esse connexa *pœnitentia*.

Quot partibus constat vera Pœnitentia?

Duabus partibus velut contrariis inter se temperatis, nempe *dolore* ob admissa peccata & Deum offensum: deinde *lætitia* seu fiducia remissionis peccatorum, habendæ propter meritum Christi vide. 467. Syst. Theolog. & in explicat. Catech. Vrsini. pag. 640. Notetur autem duplex error *Pontificiorum* quorum. i. est, quod ad pœnitentiam veram, oporteat esse *confessionem sacerdoti*: Cui errori opponimus. i. quia confessio illa nusquã est à Deo, & nusquam exemplum habetur vilius Sancti hominis in tota Sacra Scriptura utpote quæ vult, ut omnia nostra peccata Deo confiteamur sicut facit David Ps. 51. *Tibi Domine soli peccaui*. Et Publicanus Luc. 18. stans in templo soli Deo peccata confitetur, & inde abit iustificatus. Vnde Chrysost. ait. *Deo confitere peccata tua, hominibus enim non est tutum, quia*

possunt vel detegere vel exprobrare. Alter error est, quod *Pœnitentia sit satisfactoria*, siue quod per nostram pœnitentiam satisfaciamus pro peccatis. Cui detestabili errori *dicta Sacra Scriptura* opponantur, quibus supra ostendimus passionem Christi satisfacere pro nostris peccatis.

Docuisti me de redemptione, iam queso doceas me de Sanctificatione?

Sanctificatio, regeneratio, & noua obedientia seu conuersio ad Deum idem significant, & nihil aliud est quam *mutatio nature nostre corruptæ in melius*, atque adeo firmum propositum de peccatis posthac vitandis, & de noua vita instituenda, quæ placeat Deo & condigna sit fide & religione nostra : Quæ quidem regeneratio in hac vita non potest esse perfecta sed tantum est *inchoata* & semper coniuncta cum lucta quadam peccatorum, siue carnis & Spiritus vt prolixè docet Apostolus Rom. 7. Gal. 5. *Bonum*, inquit, *quod volo non facio.* In altera autem vita *perfectè* regenerabimur,

mur, sanctificabimur, & ad imaginem Dei reformabimur. Sed tamen Deus omnino vult in hac vita inchoari regenerationem, & præstari à nobis bona opera, sicut mandat Saluator. Matth. 5. *Sic luceat lux vestra, &c.* 2. Pet. 1. vers. 16. *Standote vocationem vestram & electionem facere firmam per bona opera, i. e. præbete tam vobis ipsis, quam aliis certum testimonium, quod habeatis veram fidem, ex qua nascantur bona opera. Nam fides sine operibus est mortua, & non est fides.* 1. Thesal. 4. *Hac est voluntas Dei Sanctificatio vestra.* Rom. 6. vers. 12. *Sistite membra vestra arma iustitiæ.* Et grauiissima est vox Hebr. 13. *Sine sanctificatione nemo videbit Deum.* Itaq; si quærat^{ur} an bona opera sint necessaria ad salutem? Resp. Si saltem accipiamus salutem pro remissione peccatorum, & pro iustificatione, rum bona opera non sunt necessaria, quia prius remitti nobis peccata necesse est, antequam possimus edere opera Deo placetia. Itaq; bona opera nil faciunt ad remissionem peccatorum, vtpote quam cōsequimur sola fide contra Pontificios. Si autem voca-

bulum non sumatur pro remissione peccatorum, sed pro ipsa *vita aeterna*, quam posthac sumus habituri, opus est bonis operibus, tanquam aliquo intercedente, non tanquam causam meritoriam. Quia tunc superinduemur, si non reperiatur nudi, id est, plene in altera vita reformabimur, si in hac inchoauerimus istam reformationem & sanctificationē. Et hoc est quod dicit Apostolus, Hebr. 12. v. 14. *Pacem sectamini cum omnibus & sanctimoniam, sine qua nemo videbit Dominum.*

Quot sunt partes sanctificationis nostrae?

Dux. Bona opera & precatio. Nam in his duobus consistit omnis nostra *regeneratio* & conuersio, nempe ut edamus bona opera & quotidie Deum inuocemus.

Quae sunt bona opera, seu quae sunt requisita bonorum, id est, placentium Deo operum?

Tria sunt requisita. i. ut ex vera *fide* pro-

proficiscantur; nam *quicquid non est ex fide, peccatum est* Rom. 15. v. 23. Heb. 11. v. 6. *Impossibile est placere Deo. &c. 2. Vt sint mandata à Deo: nam quæcunque sunt opera ab hominibus, & à Deo non sunt mandata, illa non sunt bona opera.* Ezech. 9. v. 19. *In preceptis meis ambuletis, non in preceptis patrum vestrorum.* Mat. 18. v. 9. *Frustra me colunt docentes doctrinas & precepta hominum. 3. vt bona opera nostra referantur ad gloriam Dei, non autem ad ostentationem & hypocrisin.* 1. Cor. 11. v. 31. *Omnia ad Dei gloriam facite.* Mat. 5. v. 16. *vt videant homines opera vestra, & glorificetur pater vester cælestis.* Hinc facile iudicari potest, quid sit sentiendum de plerisque operibus Pontificiorum, quibus illi putant se Deum colere, vt sunt *vigilie & peregrinationes ad loca Sancta, exornationes templorum.* Nam talia opera non sunt bona opera. 1. Quia non fiunt ex fide, sed ex pestilentissima opinione meriti & satisfactione pro peccatis. 2. Quia non sunt mandata à Deo, sed tantum ficta & constituta à Papis & Episcopis, contra manifesta mandata Dei, vt illud de ieiuniis & abstinencia à carne die Veneris,

quod ieiunium & discrimen ciborum
diserte est contra verbum Dei Mat. 15.

*Quod in os ingreditur non inquinat homi-
nem, sed quod ex ore egreditur.* 1. Tim. 4. Pro-
hibitionem certorum ciborū atq; adeo
carnium diserte Apostolus nominat in-
ter doctrinas Dæmoniorum. Col. 2. *ne
quis vos iudicet in cibo & potu, & in vicibus
festorum.* Rom. 14. *Persuasum habeo per Do-
minum Iesum, nihil esse commune (i. e. pro-
phanum) per se, nisi ei qui existimat aliquid
esse commune seu prophanum. Non enim
regnum Dei est cibus vel potus, sed iustitia &
pax, & gaudium in Spiritu Sancto.*

*Quæ ergo est norma & mensura bono-
rum operum nostrorum, atque adeo
unde cognoscimus, quæ nam
opera sunt mandata
à Deo?*

Sola lex Moralis seu *Decalogus* est men-
sura bonorum operum, & inde cogno-
scimus, quænam opera placeant Deo,
quæ lex reuocatur ad duo capita, nempe
ad *verum cultum Dei*, & deinde *opera cha-
ritatis,*

ritatis, quæ proximo præstamus. Cultus Dei describitur in prima Decalogi parte: dilectio vero proximi & eius dilectionis opera in secunda tabula.

Quæ est altera pars Sanctificationis

Innuocatio Dei.

Quotuplex est innuocatio Dei?

Duplex: nempe *petitio* eorum, quibus indigemus, & 2. *Gratiarum actio* pro iis quæ accipimus. Quæ utraque innuocatio Dei est, vel *publica*, vel *privata*. De utraque vide *Syst. Theol.* pagina. 487. Atque hic notetur duplex error Pontificiorum gravissimus: quorum primus est, de *Innuocatione Sanctorum*. Secundus, de *adoratione imaginum & veneratione reliquiarum*. Quod ad primum errorem attinet *solum Deum esse innuocandum*, id est, de votum affectum mentis nostræ etiam dirigendum ad Deum, non autem ad *Angelos*, non ad *Mariam virginem*, non ad *Apostolos* neque ad. 14. istos auxiliares per quorum intercessionem & merita Pontificii blasphemè dicunt sese ab omnibus aduer-

Duo pæ-
tificio-
rum er-
rores de
Innuoca-
tione.

sitatibus liberati, vt sunt. *Georgius, Erasmus, Basilius, Pantaleon, Vitus, Christophorus, Dionysius, Cyriacus, Achatius, Eustachius, Egidius, Margareta, Barbara & Catharina.*
 Hinc est *missa de. 14. auxiliatoribus.* Hinc inuocationi Sanctorum opponimus manifestum verbum Dei, nos deuotum affectum animi soli Deo debere. Deut. 6. *Dominū Deum tuum adorabis, &c.* quod Christus reperit Mat. 4. aduersus Sathanam, vide similia loca. Exod. 20. Ps. 50. v. 15. Psal. 95. v. 6. Psal. 90. v. 9. & 10. *Angeli ipsi hunc cultum tanquam idolatricum respuunt & prohibent.* Iud. 10. v. 16. vbi Angelus dicit ad Manoa Sathanis patrem: *Si vis holocaustum facere, offer illud Iehona non mihi.* Apoc. 19. v. 20. It. 22. v. 9. *Angelus interdicit Iohanni, ne procidat coram ipso, & ipsum adoret.* Vnde inquit: *Nefeceris hoc: conseruus enim tuus sum, id est, æquè sum creatura, atque tu.* Paulus Col. 2. expresse damnat cultum Angelorum. Notetur etiam valde manifestus locus Rom. 10. *quomodo inuocabunt eum in quem non crediderunt?* Vnde sic argumentamur. *Non debemus credere in Sanctos. Ergo nec inuocare Sanctos.* Et ad Gal.

Gal. 4. v. 5. Apostolus gentes accusat, quod inuocarint eos qui non fuerint natura Dii. Vnde argumētor. *Sācti non sunt natura Deus*, Ergo *non sunt inuocandi*: aut si inuocantur committitur idololatria turpissima. At vero *Sancti possunt pro nobis intercedere*. Ergo *sunt inuocandi*. Resp. Falsum est prius, quod Sancti intercedant pro nobis apud Deum. Quia. i. vnicum tantum habemus *intercessorem*, nempe *Iesum Christum*. Sicut dicitur. *Vnus est mediator inter homines & Deum, Homo Iesus Christus*. i. Tim. 2. v. 5. vide similia loca Ioh. 16. v. 13. Rom. 3. v. 35. Rom. 8. v. 34. Heb. 2. v. 17. Heb. 7. v. 25. Heb. 9. v. 12. II. *Sancti non possunt esse intercessores quia gemitus cordium nostrorum non norunt*, & occultas nostras afflictiones non intelligunt. Nam hę sunt conditiones aduocati seu intercessoris. i. Vt intercessor nobis sit perspicui testimoniis nominatus & commendatus. 2. Vt ille intercessor sit perfecte iustus & Sanctus. 3. Vt ille intercessor norit gemitus & afflictiones eius pro quo vult intercedere. Quę omnia non competunt Sanctis, nam Sancti non sunt nobis instituti à Deo inter-

cessores, nec habemus in Scriptura vllū
mandatum, quod debeamus habere
Sanctos pro nostris intercessoribus aut
eos inuocare, sed habeamus potius con-
traria mandata, quę ante citauimus. 2. in
tota *Scriptura nullum habemus exemplum*
quod vllus Sanctus aliquem Sanctū in-
uocauerit, & rogauerit, vt pro eo inter-
cederet. Nec etiam competit secunda
conditio, quod nempe coram Deo sint
plane mundi, vt pro aliis possint interce-
dere, quin potius ipsi egent intercessore.
Sicut dicitur Iob. 15. *etiam in Sanctis suis*
repperit immunditiam. 3. *Sancti nō norunt*
nostras afflictiones & gemitus, quomo-
do ergo possunt intercedere, si nesciant
quid petamus? Solus enim Deus est scru-
tator cordium & nouit gemitus hominū.
At dicunt Pontificii *Sancti tanquam ami-*
ci Dei in speculo Trinitatis gemitus & vota
NB. *nostra respiciunt.* Resp. 1. si Sancti ex Deo
cognoscunt nostros gemitus, quid opus
est, vt prius Sanctos inuocemus, & quid
opus est apud Deum intercessoribus, si
ille apud quem intercedunt, norit, quid
nobis desit melius, quam ipsi intercesso-
res,

res ? Valde enim absurdum foret, vti intercessore apud regem, si rex melius norit eum, pro quo intercessor velit intercedere, quam ipse intercessor no-
uit. Et quam absurdum foret si inter-
cessor diceret, quæso mi rex dic mihi,
quid iste petit pro quo intercessurus
sum. 2. dico quod *Scriptura* hoc specu-
lum planè confringat. Esa. 62. *Atten-
de de cælo, de habitaculo Sancto tuo. Tu e-
nim pater noster, Abraham nesciuit nos,
Israel ignorauit nos, tu autem pater noster à se-
culo nomen tuum.* Hic autem expresse di-
citur quod Abraham & Israel qui du-
dum mortui erant, & quorum animæ
erant apud Deum in cælis, in spe-
cie, non sciuerint gemitus & afflictio-
nes *Ecclesie* in terris militantis, & quod
Sancti mortui non cognoscant res no-
stras in terris, & quid his accidat in spe-
cie inter viuos, testatur locus. 2. Reg.
capite. 22. vbi Deus inquit ad *Iosiam* piis-
simum & sanctissimum regem: *Colli-
gam te ad patres tuos, vt non videant oculi
tui mala omnia, quæ introducturus sum su-
per locum istum.* Esaia. 67. *A facie*

mali collectus est iustus, ne videat calamitates propter impietatem immixtas. Eccles. 9. Mortui nihil nouerunt amplius, nempe earum rerum, quæ geruntur in terris. Hinc ergo concluditur, *Sanctos* non posse esse intercessores, sed nec opus est, ut sint intercessores. 1. Quia Deus melius nouit nostras afflictiones quam Angeli. 2. Quia magis est misericors quam ullus Sanctus, & cupit nos magis viuere quam ullus Sanctus; Quod apud *Reges* utamur intercessoribus, id sit propter defectum & imbecillitatem humanam, quia principes non norunt omnium hominum afflictiones. 2. Quia principes plus vni homini sunt affecti, quam alteri, talis autem respectus personarum apud Deum non est, ut dicitur Act. 10. Afferunt *Pontificii* discrimen inter *θελείαν* & *λατρείαν*, & dicunt *Sanctis* deberi *θελείαν*, *Deo* vero *λατρείαν*. Contra quam distinctionem vide quam perspicue disputetur in explanationibus *Catechismi Vrsini*. pag. 739. ubi ex Sacra Scriptura probatur, quod & *λατρεία* & *θελεία* *Deo* conueniant. Neutra vero *Sanctis*. Illud tantum moneo, quod *Pontificii* suam distinctionē plane

plane violant, quod tali argumento probo. *Omnia quæ David in Psalmis tribuit Deo tribuit per λατρείαν* : At omnia illa quæ David tribuit Deo, in Psalterio Bonaventura, tribuuntur Maria. Ergo. Alter error Pontificiorum est de cultu imaginum atque adeo de cultu quem præstant reliquiis Sanctorum. Ac primò quidem statuunt Pontificii quod ad certa sacella & templa, & addiuorum statuas preces sint maioris efficaciz, & meriti quàm illæ quæ alibi ad Deum effunduntur. Contra sacra Scriptura. Ioh. 4. *Veniet tempus, cum veri adoratores, neque Hierosolymis, neque in hoc monte Patrem adorabunt, sed in Spiritu & veritate.* Matth. 6. Christus iubet nos ad cubiculum nostrum abire, & ibi clausis foribus preces fundere. 1. Tim. 2. Vult Apostolus viros in omni loco orare, tollentes puras manus. Contra reliquias vero & imagines notetur locus. Es. 42. *Gloriam meam alteri non dabo, nec laudem meam sculptilibus.* At dicunt Pontificii nos non adoramus imagines, & scimus quod in secundo præcepto dicitur : *Ne incurves te illis,* &c. Resp. Dicunt se non facere & faciunt. Nam supra probauimus quod ado-

Pont. Error de cultu imaginū, & reliquiarum periodus.

vent crucem : *Ecce signum crucis, venite adoremus eam.* Deinde impossibile est aliquem toto affectu esse intentum in imaginem & tamen nullam deuotionem dirigere ad imaginem, sicut quidam ex veteribus ait. *Fieri nulla ratione potest, quin affectus abstrahatur ab eo, in quo totus sensus est defixus.* Ideo Lactantius inquit. *Nulum ibi verum esse cultum ubi respectus fiat ad imagines.* 3. Dicimus vtrumque æqualiter à Deo esse prohibitum, nempe & adorationem ipsius imaginis, & adorationē Dei coram vel ante imaginem. Et est expressus locus *Leuit. 26. vers. 1. Ne facite vobis idola aut sculptile aut statuum ne erigite vobis, neque lapidem aut figuram ponite intra vestram terram, ut adoretis ante illud. Nam ego sum Iehoua Deus vester.* At inquirunt. *Imagines sunt Biblia Laicorum ideo tolerari possunt, tanquam admonitiones quadam historica in gratiam Laicorum.* Resp. 1. est magna blasphemiam dicere, quod imagines sint *Biblia*, hoc est, verbum Dei. Nam verbi Dei atque adeo Bibliorum summa est & ineffabilis autoritas. Quis autem

rem dicit imaginum istam esse autoritatem diuinam & æternam, quæ est ipsius Dei? 2. Imagines non possunt esse Biblia Laicorum, quia Biblia continent veram doctrinam de Deo, imagines autem falsæ sunt; & mendaces doctores, & locent mendacia, vt expresse dicitur Ier. 10. Habac. 2. v. 18. 19. Deinde nos non debemus esse sapientiores Deo quàm suam Ecclesiam non mutis simulachris & imaginibus, sed viua prædicatione verbi sui & legitimo vñ Sacramento- rum, vult docere. Et hæc etiam de *adoratione reliquiarum*, quarum cultus iisdem Scripturæ verbis refutari potest, quibus cultus imaginum refutatur.

Deduxisti me per vniuersam S. Theologiam, atque ita suppeditasti generalem notitiam, qua possim præparari ad S. Cœnam Domini, consequens est vt mihi communices specialem notitiam, quæ est de ipsa Cœna Domini ad quam præparari cupio?

Recte memones & libenter id etiam præstabo, modo primò hoc notes, quod *vox Sacramenti* in Scriptura quidem non extet, sed tantum æquipollentia verba, vt ad Rom. 4. vox sigilli cum Paulus vocat *circumcisionem sigillum iustitiæ fidei*. Sacramentum ergo est *sacrum signum* con-nexum verbo Dei tanquam tabulis & li-teris, in quibus Deus nobis promittit suam gratiam, & remissionem peccatorum, & mortem mediatoris Christi. Sunt autem triplicia signa quædam tan-tum *significantia* seu notantia aliquid, vt limes notificat agros esse distinctos: quæ-dam *memorativa*, quæ nobis memoriam aliquam repræsentare debent, & in no-bis affectum & voluntatem commouent ad gratiam eius recordationem, vt cum amicus amico dat egregium aliquem li-brum aut aureum nummum, qui debeat esse ei signum recordationis amicæ. Quædam *certificantia*, per quæ nobis con-firmatur aliquod beneficium ab aliquo promissum: vt sigillum appensum literis alicuius regis, non est tantum notifi-cans aut commemorans sed inprimis eum certificans, per quod nempe certus reddi-

reddit iurs, cui literæ datur, fore, ut istud beneficium obtineat, quod ei in literis promittitur. Sacramentum ergo est *signum certificans* nos de remissione peccatorum promissa in literis Euangelii. In hac breui & perspicua desumptione, tota natura Sacramentorum consistit, nec est quod de vllis argutiis vel *Pontificiorum* vel *Vbiquetariorum* pium pectus sit sollicitum.

*Intellexi quid est Sacramentum in genere, quid sit Cæna Domini mihi iam exponas
velim?*

Est Sacramentum N. T. siue est *sacrum signum* in N. T. institutum à Christo, ut per panem fractum & comestum *admoneamur & certificemur* de corpore Christi pro nobis in cruce fracto & tradito, per vinum autem fustum & bibitum *admoneamur & certificemur* de sanguine Christi pro nobis effuso in remissionem peccatorum.

Quot sunt considerata in Cæna Domini?

Tria vt in omnia relatione. 1. *Relatum & correlatum*. 2. *Fundamentum*. 3. *Terminus* siue causa finalis.

Quod est relatum Cœna Domini & quomodo vocatur?

Vocatur *signum* seu res quæ nos de alia re quadam admonet & certificat.

Quotuplex est relatum in Cœna Domini?

Duplex. *Substantiale & Accidentale*.

Quod est substantiale?

Est verus *Panis* & verum *vinum*.

Quod est accidentale?

Est *fractio* panis & eiusdem sumptio, item *fusio* vini & eiusdem sumptio.

Quod est correlatum in Cœna Domini?

Vocatur *res signata*, siue res de qua admonemur & certificamur in Cœna Domini. Antiqua Ecclesia relatum vocauit rem terrenam, vt est panis & vinum, nam vtrumque ex terra creuit. Rem vero signatum vocauit *rem cœlestem*, & piè ac recte docuit, quod *Cœna Domini* constat

stat duabus rebus nempe terrena & cœlesti, atque ita quod accedentes ad Cœnam Domini oporteat cogitare quod ibi sumant res duplices, nempe rem terrenam terreno modo, id est, panem & vinum, ore corporis, rem vero cœlestem, cœlesti modo, id est, vera fide.

Quotuplex est correlatum in Cœna Domini?

Duplex *Substantiale & accidentale.*

Quod est correlatum Substantiale?

Totus Christus mediator, secundum divinam & humanam naturam, præsertim secundum corpus & sanguinem suum, utpote in quo corpore tanquam subiecto pro nostris peccatis passus est, & per quem sanguinem effusum peccata nostra expiauit. Et hoc est quod Christus dicit: *Hoc est corpus meum, quod pro vobis traditur*, id est, in cœna Domini admonemini & certificamini de corpore meo, quatenus in cruce pependit, quatenus in cruce est pro nobis traditum, & de sanguine meo, qui est in cruce effusus.

Quod est correlatum Accidentale?

Sunt omnia beneficia, passione & morte Christi nobis parata, ut est remissio peccatorum, regeneratio, Sanctificatio, & denique vita aeterna, sicut dicit Christus: *Sanguis meus qui pro vobis est effusus in remissionem peccatorum.*

Audui de relato & correlato in Cœna Domini, erudias me etiam de fundamento Sacrae admonitionis & certificationis?

Fundamentum seu Efficiens causa Cœnæ Domini est, vel ex parte ipsius rei seu Sacramenti, vel ex parte nostri qui Sacramento utimur.

Quod est fundamentum ex parte Sacramenti?

Est duplex: *Institutio* Christi & *conuenientia*, seu correspondentia signi, & rei signatæ.

Quæ sunt consideranda circa institutionem Christi?

Duo. i. *Historia* Institutionis Cœnæ D.
quæ

quæ ab Euangelistis describitur. 2. Verba institutionis præcipua : quæ sunt, *Hic panis est corpus meum, quod pro nobis traditur. Hoc poculum est nouum testamentum in sanguine meo.*

Quomodo hæc verba sunt intelligenda?

Sunt intelligenda *Secundum naturam signorum* seu Sacramentorum, quæ non sunt *Transubstantiationes*, vel *Consubstantiationes* rerum, sed vt supra diximus sunt significationes seu signa rerum. Itaque hæc verba non *substantialiter* sunt intelligenda, quasi panis ipsa esset substantia corporis Christi: nam hac ratione panis pro nobis pependisset in cruce, & fuisset pro nobis in mortem traditus. Item Poculum esset pro nobis in cruce effusum, & effluxisset ex corpore Christi. Non sunt intelligenda *consubstantialiter*, quasi corpus Christi esset inclusum pani, & quasi sanguis Christi esset inclusus vino. Nam Christus non dicit: in hoc pane est meum corpus, aut in hoc vino est meus sanguis, nec vult docere vbi sit suum corpus, & suus sanguis, nam

id videbant discipuli dum Christus ad mensam sederet : sed sunt intelligenda ista verba *significatione commemoratrice & certificatrice*, perinde ac si dixisset Christus : Panis vobis certo significat, nos certò communefacit de corpore meo pro vobis in mortem tradito, ac vinum vos certò communefacit ac certificat de sanguine meo pro vobis effuso in remissionem peccatorum. Est ergo planè talis Christi locutio, ac cum princeps promittens alicui aliquod egregium prædium, dat illi super ista donatione literas appenso sigillo, & tradens illas literas cum sigillo dicit. En tibi prædium. Non dat ei prædium substantialiter in manus, & per consequens ista locutio principis non est substantialiter intelligenda, quasi istæ literæ & sigillum est ipsa substantia prædii, vel quia illud prædium concluderetur in sigillo; sed est locutio significatiua & certificatiua quæ sic intelligenda est. Hæ literæ meæ & hoc sigillum te communefaciunt & certificant, quod verè habiturus & possessor sis istud prædium. Concludimus ergo corpus & sanguinè Christi, quoad
sub-

substantiam, non esse in pane nec in illo loco ubi Cœna Domini administratur, sed esse reuera in cœlo. Sicut dicitur.

Ascendit ad cœlos, inde venturus solummodo ad extremum iudicium. Panem autem & vinum commune facere nos & certificare, quod illud corpus in cœlo iam subsistens, sit pro nobis traditum in cruce, & sanguis Christi sit pro nobis effusus. Quod notetur contra *Pontificios & Ubiquitarios* qui quærunt corpus & sanguinem isto loco, ubi est panis & vinum.

Quod est alterum fundamentum ex parte Sacramenti?

Est *conuenientia & correspondentia* inter signa & rem signatam, seu est aptitudo, per quam panis nobis potest significare & certificare de *corpore Christi* pro nobis tradito. Vinum etiam potest nos commune facere & certos facere de *sanguine Christi* pro nobis effuso.

Qua nam in re consistit illa aptitudo Panis veri ad significandum corpus Christi?

Consistit in tribus. i. quod sicut panis

frangitur, ita Christi corpus pro nobis frangitur & laceratur in cruce, sicut Paulus dicit: *Hic panis est communio corporis Christi.* 2. Sicut panis habet *vim nutriendi*, ita quoque corpus Christi pro nobis in mortem traditum, habet virtutem conscientias nostras, propter peccata exhaustas & ferè confectas reficiendi. 3. In eo, quod sicut non tantum nutrit, sed etiam *roborat* corpus nostrum: ita quoq; corpus Christi pro nobis in mortem traditum, habet virtutem miseris nostras conscientias perpetua virtute consolandi & sustentandi.

Qua in re consistit correspondentia vini cum sanguine Christi?

In tribus. 1. Sicut vinum in poculum infunditur & ex poculo, *effunditur*: ita sanguis Christi ex corpore effluxerit & effusus sit in cruce. 2. Sicut vim habet vinum *vegetandi* siue calefaciendi & humectandi corporis nostri, & augendi spiritus vitales & animales. Item, sanguis Christi seu meritū sanguinis Christi habet vim vegetandi frigefactas peccato

cato & exiccatas nostras conscientias.

3. Sicut vinum *latificat* cor hominum, & magnam vim habet exhilarandi animum. Ita quoque meritum Christi siue sanguis, ineffabilem lætitiā efficit in animis nostris de qua David Psal. 51. *Redde mihi lætitiā.*

Audiui de fundamentis Cœnæ Domini respectu ipsius Sacramenti, seu respectu ipsarum rerum, dic mihi quod est fundamentum respectu utentium, seu respectu nostri?

Est vera *fides*, quā nempe signa illa sic intuemur, tanquam significantia, commemoratiua, & certificantia nobis corpus Christi & sanguinem Christi, atque adeo totum eius meritum, atque adeo ex isto merito certo sequentem remissionem. Nam in Cœna Domini non datur nobis remissio peccatorum, nec habet panis potestatem expiandi peccata, nec vinum, vt peruerse *Pontificii* opinantur, sed confirmatur fides nostra per ista signa de remissione peccatorum ante

accepta, antequam ad cœnam illam accedamus.

Qua in re consistit illa fides, quæ ad Cœnam Domini afferenda est, & quæ per Cœnam Domini confirmatur?

Consistit in duobus. 1. in *certitudine*, ut certo credamus pro nobis Christi corpus traditum esse & sanguinem pro nobis, i. e. pro illa persona, quæ ad Cœnam Domini accedit effusum esse. 2. Consistit in *appropriatione*, ut nempe nobis appropriemus Christi passionem, & statuamus nos tanquam membra Christi, cū Christo tanquam capite nostro ita vñum factos esse, ut sicut ipse pro peccatis nostris passus est, ita nobis propter istam passionē peccata ista omnia tam certo remitti, ac si nos ipsi in cruce pependissemus, & nostrum proprium corpus ibi tradidissemus, & nostrum sanguinem ibi effundissemus.

Audiui de fundamento Cœnæ Domini, restat ut me doceas de termino siue de causa

*causa finali, propter quam instituta est
Cæna Domini, & propter quam
ego uti debeam Cæna Do-
mini?*

Terminus seu Causa Finalis est, tum
respectu Christi, tum *respectu nostri*. Respe-
ctu Christi est *commemoratio* acerbissime
passionis eius, quam pro nobis sustinuit
in anima & in corpore eius, Comme-
moratio inquam gratiarum actoria, ut
ipsi nempe pro tanto beneficio & amo-
re erga nos inenarrabili in publico cœ-
tu & congregatione, & conspectu Ec-
clesiæ cum ista commemoratione gra-
tias agamus: Sicut dicit. *Hoc facite
in mei commemorationem* siue Eucharisti-
cam, siue gratiarum actoriam, unde
etiam *Eucharistia* dicta est, ab hoc v-
su principali Cœnæ Domini: Respe-
ctu autem nostri fundamentum seu usus
Cœnæ D. est vel *primus*, vel *ortus* à pri-
mo.

*Quis est primus usus respectu no-
stri?*

Est duplex. I. *Confirmatio*, certificatio fi-

dei nostræ, de obtenta à Deo remissione peccatorum propter Christi corpus pro nobis in mortem traditum, & propter sanguinem eius pro nobis in cruce effusum. Posterior usus est, *nutritio*, roboratio, vegetatio, & exhilaratio conscientiarum nostrarum, quæ onere peccati erant exhaustæ, siccatae, & contristatae.

Quis est usus ortus à
Primo?

Est triplex. 1. *Consecratio* nostri ipsius, quod sicut Christus semel in ara crucis semet obtulit pro nobis, ita nos in hoc actu publico Ecclesiæ nos, & totam vitam nostram seu omnia nostra Deo & eius filio. 2. *Confessio fidei* nostræ publica, ut nempe per hæc externa Symbola veluti per quandam tesseram militarem confiteamur, cui cœtui nos associemus, & cui religioni simus addicti. 3. Ut etiam hoc publico actu in conspectu Ecclesiæ nos *obligemus*, ad caritatem proximi, & ad præstanda opera caritatis; illis in primis, qui sunt socii confessionis & religionis nobiscum. Vnde & *veteres cœnam Domini*

mini dixerunt ἀγάπην dilectionem, & distribuerunt semper illi omnes qui accesserunt ad Cœnam Domini Eleemosynam pauperibus, vt testarentur se per usum Cœnæ Domini obligatos esse ad præstanda opera dilectionis proximo. Hæc est vera doctrina de Cœna Domini ex verbo solo Dei, & natura Sacramentorum petita. Contra verò *Missa* est horribile monstrum & idolum, è variis & horrendis blasphemiiis ab *Antichristo* conflatum, per quod tota præstantia Cœnæ Domini auferrur, Dum nempe dicunt: *Christum in Sacra Cœna institutione, antequam corpus & sanguinem suis discipulis largiretur, se ipsum sub pane & vino verò sed modo incruento, in honorem patris obtulisse, & vt porro facerent discipuli & omnes, sanxisse.* Sicut quidem Sacrificuli peculiaribus quibusdā verbis velut incantationibus Magicis, itemque histrionicis gestibus & ceremoniis aiunt se perficere, & dicunt esse sacrificium propitiatorium verissimum pro peccatis, pœnis, & omnibus necessitatibus non tantum viuorum, sed &

mortuorum : atque ita horribiliter velut conculcant pedibus passionem Christi, quæ ut supra probauimus sola & vnica est propitiatio pro peccatis nostris semel tantum facienda & facta, non autem sæpius iteranda, ut sunt expressa verba, contra illud idolum *Missa* obleruanda ut Heb. 10. v. 12. *Christus una pro peccatis in perpetuum oblata victima confedit ad dextram Dei*, & vers. 14. *Vnica oblatione consecrauit in perpetuum eos qui sunt iustificati*, vide plura de abominationibus *Missa Papistica* admodum perspicuè proposita in explicatione *Vrsini* ad quæst. 80.

Præparaſti me ad Cœnam Domini per notitiam tam generalem quam Specialem reſtat ut me etiam præpares per veram deuotionem. Quanam ergo pertinent ad iſtam Veram Deuotionem?

Duo. 1. Ut cogites, quoties ſit vtendum Cœna Domini, 2. vt conſideres quomodo digne vtendum ſit.

Quo-

*Quoties est vtendum Cœna Do-
mini?*

Sæpe : vbi quidem certus numerus nemini præscribi potest, vtpote quem ipse pro sua pietate subducere debeat. In *primitiua* quidem *Ecclesia* toties vtebantur Christiani Cœna Domini quoties accedebāt ad audiendum verbum Dei, vt apparet ex. 3. Actōr. vbi dicuntur Christiani conuenisse ad audiendum verbum Dei, & ad fractionem panis, id est Cœnam Domini. Consultum tamen fuerit singulis annis *quater* accessisse, aut *bis* ad minimum, idque propter has Causas. 1. Quia pro ingenti beneficio, quod Christus nobis sua Passione præstitit, frequentes & solennes *gratia agenda* sunt. 2. Quia Christus expresse *mandat* : *quotiescunque feceritis in mei recollectionem*, vbi vocabulum quotiescunque imponit numerum pluralem, id est, tam sæpe quam sæpe accesseritis, vt præsupponat sæpe nos accedere debere. 3. Debemus hoc etiam & nostræ fidei vt eam *confirmemus*, debemus

conscientiis nostris, ut eas nutriamus, vegetemus, exhalaremus. Excitamus enim nos hoc adminiculo ad studium nouæ vitæ, dum nempe nos consecramus per vsum Cœnæ D. Debemus etiam Ecclesiæ, ut nempe publicè *testemur*, nos eius socios esse & membra: Denique debemus præstare propter *vitandas pœnas corporales*; Nam. I. Cor. II. vers. 30. dicitur. *Propterea multi sunt inter vos debiles & agroti, multi valetudinarii*, &c. vbi docet Apostolus, quod Deus multos in *Ecclesia Corinthiorum* puniuerit morbis & morte, propterea quod non rectè vterentur Cœna Domini, quod si autem Deus punit morbis & morte propter malum vsum, quantò magis puniet propter raram vsum Cœnæ Domini?

*Doce me porro quomodo digne vten-
dum sit Cœna Domini, &
qualis debeat esse de-
uotio?*

Illud est in primis necessarium pro-
pter

pter feueriffimam vocem Apostoli. I. Cor. II. v. 7. *Itaque quisquis ederit panem hunc, & biberit poculum hoc indigne, reus tenetur corporis & sanguinis Christi*, id est, reus tenetur violati huius Sacri sigilli, quo corpus & sanguis Domini nobis repræsentatur & certificatur. Et addit deinde. *Probet seipsum homo quisque, & ita de pane illo edat & de poculo bibat; nam qui edit & bibit indigne, damnationem sibi edit & bibit, non discernens corpus Domini*, id est, non cum reuerentia vsurpans S.S. ista sigilla, quibus certificamur de corpore Domini, atque adeò non discernens inter panem communem, quæ in mensa edimus, & panem qui officio certificandi sacer est. Et sic etiam de vino.

Quotuplex debet esse illa Deuotio?

Duplex. Vel *Antecedens* vel *Connexa*.

Quomodo vocatur antecedens probatio?

Vocatur *Probatio suiipsius*, secundum illud Apostoli iam citatum. *Probet seipsum quisq. &c.*

Quæ est vera probatio suiipsius & in quibus partibus consistit?

Probatio suiipsius nihil est aliud, quàm *examen sua conscientia*, quid homo de seipso constituit, & hoc examen est triplex.

Quod est primum Examen?

Examen *miseria* nostræ, quod vel *generale*, cum nempe consideramus nobiscum *miseriam* totius humani generis, quæ ex lapsu primorum parentum orta est, & consistit in peccato & peccati pœna. *Speciale* vero examen est *miseriæ tuæ propriæ*, quod consistit in duabus partibus. I. In *agnitione peccatorum*, quæ tu singulis diebus perpetrasti, vel omittendo bona vel committendo mala, & tam circa bona opera quæ præstare debuisses, quam circa preces vel inuo.

inuocationem quotidianam, quæ vel omiſſa fuit, vel frigida, ſimulque conſideratio pœnarum corporalium & æternarum, quæ propter noſtra peccata meruimus. 2. In ſerio dolore & *pœnitentia* propter iſta peccata. Conſultum eſt tertio die ante Cœnam Domini, Exempli gratia, die Veneriſ tale examẽ inſtitui, & eo die legi tum primam partem S. Theologiæ, tum etiam caput. 20. Exod. 28. Deut. tum addi precationem ex Pſal. 51. & 38.

Quod eſt ſecundum Examen?

Eſt *examen fidei* quo nempe recolligis & inſtauras fidem tuam in Chriſtum, & *cogitas* de eius perſona, eius officio, & in primis de eius Paſſione & morte, eamq; paſſionem & mortem tibi *applicas* & certò ſtatuas, tibi propter illam omnia peccata eſſe remiſſa. Vbi conſultum fuerit doctrinam de remediis miſeriæ uſq; ad doctrinam de ſanctificatione legere & cap. 26. 27. Mat. 17. 18. 19. Ioh. 53. Eſaiæ & 8. ad Rom.

*Quod est tertium Exa-
men?*

Est examen sanctificationis seu nouæ vi-
tæ, quod consistit in duplici propo-
sito, firmo nempe. 1. posthac bona o-
pera Deo & proximo debita præstandi.
2. In proposito Deum quotidie inuo-
candi, vbi repeti potest doctrina de
Sanctificatione, & legi capite. 5. & 6.
Matth. capite. 12. & sequentib, ad Rom.
capite. 12. Hebr. posteriora capita.
ad Gal. Epistola ad Col. ad Ephes. v-
tramque Epistolam Ioh. Iacobi, & hoc
secundum examen posset institui die
Sabbathi.

*Audiui de Deuotione quæ debet an-
tecedere vsum Cæne Domini, dic
mihi de deuotione quæ de-
bet esse coniuncta cum
vso Cæne Do-
mini?*

Hæc deuotio est vel externa, vt nempe
sobrie

sobriè & reuerenter ad hunc sacrum a-
 ctum accedamus quo ad externum ge-
 stum: vel principalis & *interna*, quæ con-
 sistit in his quatuor. 1. vt Christo deuo-
 tissimas *gratias agas* pro passione & mor-
 te, quam tui gratia sustinuit. 2. Vt su-
 mens panem sacrum fidem tuam *certifi-*
ces & appropies tibi meritum passionis
 Christi, atque addo fractionis eius in
 cruce, tuamq; conscientiam nutrias &
 robores tali certificatione. Deinde su-
 mens vinum cogites sanguinem Christi
 pro tuis peccatis esse effusum, atque ita
 conscientiam tuam vegetes & exhila-
 res. 3. Deuotio est in *consideratione tui-*
ipsius, vt nempe te posthac totum dedi-
 ces & consecres animo & corpore & o-
 mnibus operibus tuis. 4. vt *cogites de*
Ecclesia in cuius conspectu vteris Cœna
 Domini, & constituas firmum propo-
 situm manendi in illa Ecclesia, & opera
 dilectionis fratribus præstanda. Ad quas
 quatuor deuotiones præstandas, quilibet
 poterit certas precandi formulas
 circa istum Sacrum actum adhibere.
 Atque ita absoluiamus doctrinam de ve-

138 PRÆP. AD S. SYNAXIN.
*ra preparatione ad Cœnam Domini, simulq;
summam & Compendium totius S. S. Theo-
logia. Quod superest Deum deuote pre-
cemur, vt cum verbum ipsius sit lucerna
pedib. nostris & lumen semitis nostris,
illuminet, & aperiat oculos nostros, quo
Sacrosancti verbi eius oracula, recte in-
telligamus, & in ea quę intelleximus pię
transformemur, ne maiestati illius
vlla ex parte displiceamus, per*

I. C. D. N. A-
men.

F I N I S.

